

Baptist Rinnak Phuannak

1689

(FALAM DIALECT)

MYANMAR EVANGELICAL REFORMED
BAPTIST ASSEMBLY
YANGON, MYANMAR

1996

The Baptist Confession of Faith 1689

**KUM 1689 IH BAPTIST
RINNAK PHUANNAK**

(1689 Baptist Confession

of Faith)

(Falam Dialect)

**MYANMAR EVANGELICAL REFORMED
BAPTIST ASSEMBLY**

YANGON, MYANMAR

1996

THEIHTERNAK

Ziangvek Kohhran ih um cio kan si khal le kanmai kan zum daan asilole kan rinnak thuphuansuah hi nei hrimhrim ding kan si. A hrekkhat kohhran pawl cun kan rinnak thuphuansuah cu Bible lawng a si an ti. Cumi ah elnak zianghman kan neilo. Sihmansehla Bible thupom daan ah siseh, milai sersiamnak thu ah siseh, milai dinhmun ah siseh, rundamnak thuhla ah siseh, Pa le fapa le thlarau thianghlim pom daan ah siseh, Kohhran thu pomdaan ah siseh, hmalam thilthleng ding mi thule leithar le vanthar thu ah siseh pomdaan a bang awk cio lo ruangah mai Kohhran rinnak thuphuansuah cu nei cio ding kan si.

Kan ramih Kohhran a tamsawn cu kan rinnak thuphuansuah himi hi asi, ziangtik ah hi rinnak hi kan nei ih khui in a ra ti khal kan theilo. Cuitlunah mai Kohhran cio ah cabu ih suah theilo kan tam zet. Abik in kan ramih BaptistKohhranin kan rinnak thuphuan hi himi a si ti in kan rel fukfi theilo. Curuangah kan ramsung ih Baptist Kohhran hmuahmuah in hi kan Kohhran rinnak thuphuansuah hi kan tul poimawh bik. Ziangatile, kan Kawlram ih missionary kan neih hmaisa bikmi kan pu Adoniram Judson in kan ram a ra thlen

tikah hi Baptist Kohhran rinnak thuphuansuah hi rak kending a hngilh ruangah tuisunnitiang zumnak thuphuansuah kan neih lonak asi.

Hi zumnak thuphuansuah hi 1689 Baptist Kohhranpawl ih rinnak thuphuan suah ti in kan ko. Hi rinnak thuphuansuah sungah thupom daan a tlangpi in 32 kan nei i, cui rinnak thuphuansuah cu Bible sung ihsin laksuak mi a si. Hi 1689 kum ih Baptist rinnak thuphuan hi kannih Kawlram sungih um “Evangelical Reformed Baptist Kohhran” in fekzet in kan zum mi le kan fehpi mi asi ih kan ram ih zumtupawl le ahleice in Baptist Kohhran hmuahmuah ih theih tlakzet mi le theih tulmi a si ti'n kan ruat. Cuitlun ah siartu hmuahmuah hrang cio ah nan rinnak a lo ticak zet dingih a lo hnget ter ding ticu kan zum. Pastor, Evangelist le Missionary (rawngbawltu) hmuahmuah ih theih tlak zet mi khal asi.

Hi cabu vek roriih a pom le a fehpi duhtu zumtu u le naupawl cu Kawlram ih “Evangelical Reformed Baptist Kohhran” pawl thon kan kutkai aw in rawng kan bawl tlang thei asi. Nan siar tikah a thu tlangpi ih a ti duhsan thate'n ruat in Bible bungcang kan pek mipawl thon thate'n zir ding kan lo duh sak. Asinan a tongfang siseh, a ca tai siseh, a catlang le a cahmaipawl a diklo le a sual mi a umpang le ngaidam kan lo dil asi. Tongfang um daan le hman daan khal ah rem lo zetih a kom cun cafang kan tuah. Tahthimnak rundhmnak thiamcoternak tivek pawl hi a mirang ca feh daan in kan kom. A thu um daan le a ca fehdaan le a cafang thu ah buainak nei ih thusut duh tu nan um le hi cabu ih umnak hmun kan pekmi ah kumkhua in nan rak sut

thei asi.

Cun himi cabu te hi a hlawk zianghman umlo ih kan zuar mi a si ruangah zumtu le Kohhranpawlin nan rak lei ih nan rak siar lawng silo in nan nunnak le Kohhran ih nan fehpi thei cio nak ding khal kan ruahsan asi. Upa Sunday School (Bawipa'i ni Bible zirnak) hrang khal ah a tha zetmi asi. Siartu u le naupawl in nan nunnak le nan Kohhran cio ah nan rinnak lo ser tu le lo remtu a sinak ding khal ah thla kan cam asi. Nan rinnak ah siseh, nan nun daan ah siseh, nan thu simnak ah siseh, nan thu zirhnak le nan rawngbawlnak ah a lo bawm zettu cabu a sinak dingah siartu hmuahhmuah, Pathian in lo thlawsuah hram seh! Amen!

Michael Hrang Sam

April 1, 1997. Evangelical Reformed Baptist Church
Insein, Yangon, Myanmar.

1689 BAPTIST ZUMNAK THUPHUAN

1689 KUM IH BAPTIST RINNAK THUPHUANNAK

Bible ca ih um vekin Peter Masters ih thuhminssinnak ngan mi thon remthat mi asi.

Thuhmaithi

Kum 1855 C.H. Spurgeon in, amai Kawhhran mipawl ih hman dingah Baptist thurin hi khawl ah namsal ih suah a rak si. Spurgeon ih thuhmaithi ngan mi tongkam pawl hin hi Baptist thurin sunlawizia hi tlamtling te'n a lang ter sal.

Hi khuanhlan ca thupi hi kanmai hrangah a thabik le afel bik mi ti'n kan zum. Jehovah thlumthlak Pathian ih kilvennak kut in a sunglawi zet mi kan thuthangtha sung ih a thupi zet mi thlun dingpawl cu rinum zet ih thlun thei dingin in rak hruai i, cupawl cu thlun tengteng ding asi ti'n kan ruat i kan zum.

Hi cabu fate hi kan rindaan ah thukhoh zet daan vekin har zetih in temhrem tu si sawn lo in, thu elawk tik ih in bawm tu, rinnak ih in hnget tertu le felnak ah pitling thei dingih in hruaitu le in hmuhtu asi. Hinah hin kan Kohhran sungtel mino pawl in taksa thianhlimnak

sungih an tlanlen theinak dingih, Pathian thungan mi dinpi ringring thei dingin an nunnak ih um mi ruahsannak hrang ih daan le ṭanfung pek dingah a tiar ter ringring ter tu thu asi.

Nan rinnak cu zahpi hlah uh, cucu mai suaal phuang duh ring ring tu Martyr pawl, Kohhran rem̄ha tupawl, le mithianghlimpawl ih an thu zum mi Thuthanḡha hlun a rak sitih mang ringring uh. Cuitlun ah, hellram luhnak sangka khal ih a neh threilo mi Pathian thutak a rak si fawn. Nan nun candaan in nan rinnak mawi ter seh, nan um daan tha cawn tlak mi cun nan rinnak kha khauhkhah ter seh. Culawng silo in, Zisuh Krih ah nung awla amah ah tlangleng aw, Thlarau thianghlim ih a neih mi cu felte'n lung aw, cun Amai zirhnak lawng ah hngat aw ringring aw!!

Hi Cabu remthat sal ding ih thuhmaīhi Hi carem mi sungah tongkam hman daan hlun deuhpawl hi santhar tongkam pawl in thleng zo ih, a thendaan pawl khal theih ol zawngin a thu um daan sullam thleng silo in tuahthar sal asi. A tir ih thil um mi theihsalnak ah fiangte'n suahsal mi kimthluh in a ṭulnak tete ah fiangdeuh dingin remsal asi. Simfiang a tul deuh ti ih kan hmuhnak ahcun santhar tongfang hmang in kan thleng ih a cang ah kuh mi sungah nganbet mipawl kan nei ih kan bet vivo hai.

Curuangah, kan remsal mi hi phunhnih asi: Atir ngan mipawl ṭong menmen ih rem tik ah a thupipawl fiangte'n kan ngan i, a fianglo pawl khal kan bet phahphah. Hiti ih remsal ruangah a tir ih rinnak phuansuahnak cabu ih a tumtah mi kha ziangkhal thleng loding in humhim asi. Hi nahhin atisan mi thlenglo te'i

nganfel a har zet. Asinan a fianglo pang ding tiah cipciar deuh ih ngan mi kan nei saal.

Hi cabu sungah santhar ṭongih hman tikah buainak pahnih in hmai a thi mai. Pakhatnak cu khohkhah zet in a ṭongfang a cekciin a ngan. Neta cu hlan mirang ṭong sullam tampi neithei mi kha tui santhar ṭong ih ngan tik ah athuknak le ahmual neih nak tla phun dang vek in a lang theu. Curuangah a thathei bik dingin ṭong kan mer rero mi a um. A thupit nak ṭongfang hlo lo dingin le a san tha zet i ngan sal ding cu a ol lo zet. Cuti hlo lo ding ih ngan ding cun a tir ih ngan mi cabu veihnih veithum ngan a tul.

Thubuai pahnihnak cu san thar mirang ṭong a sinak ihsin a ra i cucu a hmaisabik ih phuannak thon ahmet aw thei io. Santhar ṭong ih ngansal tik ah a siartu'i hrangah ngunngaih te'i siar locun a thuthuk le a tisan mi nuaihlo thluh vek ah a cang. Ngansal mi cu a sullam umlo kha mibawmtu ṭhabik asi ih rinnak humhimpawl ih Bible leh nak tongkam hman mipawl kha milung a rak kuai ter bik. Cumi ah hi ca suah mi in a tir ih ngan mi a feh daan le um daan a naih bik i, a catlang titawinak pawl cun a thupitnakpawl a then tik ah thuk cuang in mi a theith ter.

Siartupawl cun kuh misung ih hminbang aw kan retmipawl hin lungkimlo nak tla a lo neih ter thei men. Hi kan retmipawl hin a hmaisabik ih thuphuannak ih a sullam ah Latin ṭongkam ih an rak ngan mi ṭonghram a neih bik ticu a fiang ko. Cunah cun, hu thilpawl a lang thluh ih hmin bang aw deuh mipawl cu hril in phuannak thu fengter sinnak ih theihnak hrangah tumtah mipawl a fiangter asi.

Hi cabu tuahsalnak hin theih daan kel vek te'n rinsan um zet i tuah mi cabu asi vekin a tirsuah mi ca a naih bik ruangah a sung ih ngantel mi thupawl thei dingin suan netabik tiang hmai in hravait le in bawmtu ting asi ding ti'n kan ruahsan.

1689 Thuphuannak ih a Bulhram

Particular Baptists, ṭongdang in Lamdang ce Baptist pawl ih rinnak phuannak hmaisabik mi cu 1644 kum ah an rak suah i, Westminter Confession (Nitlaknak lam ih rinnak thuphuansuh) timi cabu a rak suah hlan ah asi. Cui cabu sung ah hnipuan thazet hruhpah in tipilhnak an rak uar zet i General Baptist timi Tlang Baptist pawl thon an bang awklo nak thu cu hrilsuahnak, tlennak le a tluse mi minung duhdaan thuthencatnak le mithianghlim pawl ih titen̄o daan pawl tla ngan a si. Cucu london rinnak thuphuian ti in khal an ko. 1951 ah cui ca remsal asi i, Quakerpawl in Sunglam Eng"ti ih Pathian Ca-a thu sullam sim daan, ṭongdang in nundan sang cangvaihnak ti'n neta lam ih an timi pawl thon a kaih aw zawng ih thurel fengnak thon remsaal asi.

Kum 1643 ah Long Parliament in Mirang Kohhran ukawk daan hlun bik a siat hnu ah ukawk daan thar, Pathian biak daan thar, le thurin daan thar ngan dingah Westminster Assembly of Divine timi Pathian thu ih nitlaknak ram minung pungkhawm cu a rak fial. Callang zet Puritan pawl ih khawmp in 1645 kum thok lam ah rinnak thuphuian timi cu ngan anrak thok i cui tum ah palai minung 60 in 80 tiang an rak kai.

Kumkhat a reihnu ah an theh i, an ca ngan mi thar tetepawl cu Bible bungcang pawlthon siar thei

dingah cahnah sir ah hminsinnak catawi tetepawl ngan bet a fial cihnh cucu 1647 kum ah an theh. Wesminster rinnak thuphuian cu mal tete an rem hnu ah Kohhran member tamsawn ih thuneihnak Kawhhran timi (Congragationalists) in 1658 kum ah Savoy khawpi ih khawmp i tum ih thurin cabu pi siding in an rak rel cat. Cun 1677 kum ah Particular Baptists pawl in cui thuphuannak cu anmai pual ah ruat in thuhram ah an rak pom. Kohhran thuhla an rak relnak pawl ah malte an rem hnu ah an hmangsaal. Cui cabu rem mi cu Kristian pawl an rak hrem ciamco laiah a veihnihnak London thuphuian ti in London khawpi le ramsung um mi zumnak nei ih tihnim Kristian pawl ih Kohhran upa le unaupawl in suah mi asi tiah an rak suah.

Baptistpawl an hrem tikcu a cem vete'n, hi cabu cu 1689 kum danghlei ce Baptistspawl ih palai cu London ah an rak nemhnget i, cuisin cui cabu cu Particular Baptists pawl ih rinnak bulhram a rak si ta. Amerika ram ih Filadelfia rinnak thuphuian an timi cabu hminthang zet hman, hi 1689 rinnak thupuan ihsin tuansuak mi a rak si. Kum 1724 ah Filadelfia Baptist Association cun 1689 rinnak thuphuian an thlun thu an nemhnget i, 1742 ah thu pahnih an bet hnu ah malte remsal nak an nei i, thu an suah saal. Cucu Benjamin Franklin in asuah ih Amerika ram ahcun Filadelfia rinnak thuphuian tiah an ko.



1689 Baptist Rinnak Thuphuannak

Kristianpawl ih rinnak le tuahdaanpawl thu sawmthum le pahnih a tel. Cupawlcu a hnuailam vek an si:

1. Pathian Thu thianghlim	12
2. Thumthlak thianghlim Pathian	18
3. Pathian Thupek	21
4. Sersiamnak	24
5. Pathian kilvennak	26
6. Minung tlusiatnak, Sualnak le hremnak	30
7. Pathian thukamh	32
8. Krih: Mi thurelsak tu (Remnak Palai)	34
9. Duhhrilnak	40
10. A kawhnak	42
11. Thiamcoternak	44
12. Fa ih pomnak	47
13. Thianhlimternak	48
14. Rundam si vivonak rinnak	49
15. Sualrimnak le Rundamnak	51
16. Hnatuan tha pawl	53
17. Mithianghlipawl ih Taimaknak	56
18. Rundam si fengnak	59
19. Pathian Daan	62
20. Thuthangtha le Ahmual	66

21. Zalennak le Lungsung zalennak	68
22. Biaknak le Nipi ni	70
23. Siatserh le Thukamnak	74
24. Leitlun thuneitupawl (Ram uktupawl)	76
25. Thitumnak	78
26. Kohhran (Krih ih Taksa)	80
27. Mithianghlimpawl pawlkomawknak	86
28. Baptisma le Bawipa Zanriah	88
29. Baptisma laknak	89
30. Bawipai Zanriah	90
31. Thihhnu umdaan le Thawhsaalnak	93
32. Ni netabik Thuthennak	95



1. PATHIAN CA THIANGHLIM

1. Pathian ca thianghlim hi rundam kan si theinak ding ih thutheihnak, zumnak le thuawinak daan famkim; sualtheilo-palh theilo le rinsan tlak umsun asi. Famkim timi ahhin kan theih a tulmi hmuahmuah Pathian ca sungah a um thluh. Ziangthu poipeng khal va siseh ziangti tuah ding asi ti tiangin a ngan thluh i, Curuangah Pathian khal cun hi thu bet ding ah ziangdangkhal, ziang thu khal, zovek minuung khal a fial nawnlo.¹

Minung thinlung ih thu theihtheinak hi a vang zet i, Pathian thu sersiamnak le khuakhannipawl hin Pathian tħatzia, famkimzja, a huham tla a langter nasa ruangah minung in zianghman puhmawh ding a nei thei lo. Cuangpawl cun Pathian fimmak le A duhdaan kan rak thei i, rundamnak ih a tul mi tiangin kan tuan theilo mi in tuan sak thluh asi.²

Curuangah Bawipa cun tikcu danghuap le hmundang dangah a lar aw vivo i, A kawhhran hnen khal ah A duhdaan a sim theu asi.³ Cui hnu ah thutak cu kan cinken that lawng silo in, kan phuansuak i A kohhran a dinhnget theinak dingah asi. A kohhran cu taksa sualnak laksin ah Bawipa cun a thutak lang terzo micu cathiang in a rak ngannak asi. Curuangah Pathian ca thianghlimpawl tla hi an tulsannak asi. Tuisan ih a

nungdam nawn lo mi A mipawl hnenih A duhdaan a rak sim theunak cu tui kan san ah a um nawm lo.⁴

1. Tim. 3:15–17; Is 8:20; Luke 16:19–31; Ephs.2:20;
2. Rom 1:19–21 etc; Rom 2:14–15; Sam 19:1–3.
- 3 Heb. 1:1. 4 Thuf. 22:19:21; Rom 15:4:2 Pet. 1:19–20.
2. A thianghlim ca lole Pathian thungan mi ahcun Thuthlung hlun le thar komkhawm in ahnuaiih cabupawl an tel:

Thuthung hlun:

- | | |
|----------------------------|-----------------|
| 1. Genesis | 21. Thusimtu |
| 2. Exodus | 22. Solomon Hla |
| 3. Leviticus | 23. Isaiah |
| 4. Numbers | 24. Jeremiah |
| 5. Deuteronomy | 25. Tah hlapawl |
| 6. Joshu | 26. Ezekiel |
| 7. Thuthantupawl | 27. Daniel |
| 8. Ruth | 28. Hosea |
| 9. Samuel Bukhatnak | 29. Joel |
| 10. Samuel Buhnahnak | 30. Amos |
| 11. Siangpahrang Bukhatnak | 31. Obadiah |
| 12. Siangpahrang Buhnahnak | 32. Jonah |
| 13. Sansiarnak Bukhatnak | 33. Micah |
| 14. Sansiarnak Buhnahnak | 34. Nahum |
| 15. Ezra | 35. Habbakuk |
| 16. Nehemiah | 36. Zephaniah |
| 17. Esther | 37. Haggai |
| 18. Job | 38. Zekhariah |
| 19. Sam | 39. Malakhi |
| 20. Thufim | |

Thu thlung tharpawl:

Matte	Ephesi	James
Mark	Filipi	Peter Kuathatnak
Luke	Kawlawse	Peter Kuathnihnak
John	Thesolonians 1	Zawn Kuatkhatnak
Atirh mipawl tuahnak	Thesolonians 2	Zawn Kuathnihnak
Rome cakuat	Timote Kuatkhat	Zawn Kuathumnak
Kawrin Kuathatnak	Timote Kuathnih	Zawn Kuatlinak
Kawrin Kuathnihnak	Titus	Jude
Kalati	Hebrews	Thuphnak

Hi cabupawl hmuahhmuah hi Pathian tongsuak ih pek mi an si ih rinnak le nunnak daan lole umtudaan hrangah asi.⁵

5 Tim 3:16

3. Apokrifa ti kawh mi cabupawl cu Pathian tongsuak mipawl an silo ruangah siseh, tah mi an telh loruang ah siseh, Cathiang daan ih an telh lo ruangah siseh hnon mi Cabu ti'n an ko. Curuangah Pathian Kohhran sungah thuneihnak an neilo ih, midangpawl ih ngan mi vek tho tho an siruang ah urhsun tlak le thluntlak ding an silo.⁶

6 Luke 24:27 & 44; Rom. 3:2

4. A thianglim mi Ca cu amahte thuneihnak a nei. A thuneihnak cu milai le Kohhran pakhatkhat par khal ah a ɿum awlo. Asinan thutak le angantu a simi Pathian parah a ɿum aw. Cucu pom ding, zingahtile Pathian thu asi.⁷

7 1 Thess 2:13;2 Tim. 3:16;2 Pet. 1:19–21,1 Zawn 5:9

5. Pathian kohhran dinpinak cun Pathian ca sangzet ih urhsunnak lole upatnak a thlenpi. Cuvek thorho in cathiang sinak in kan nun hi neh zet ding asi.

Vanram thuhla khal ah a thurin hin hmualnei zetin a cangvai ih, asangbik sinak, ahmaisabik in anetabik tiang an thu hmuahhmuah ah an lungkim rualthluh, cun cui thupawl hmuahhmuah cun Pathian sunloih nak an pe. Alangnak famkim cun rundamnak lamzin lawng a pe i, hi thu hmuahhmuah hi thildang le cabu dang pawl sannak le tlinnak le famkimnak thon tahtim theihrual a silo. Cuvek in alangnak pawl tamzet cun Pathian thu asinak a lang ter sinsin.

Cubak ah, Pathian thutak hi sualtheilo mi kan aamkham le famkim te'i in zum tertu a siti in simthei ih, Pathian ngan rori asi ti kan theih theinak cu kan thinlung sungah Thlarau Thianghlim in in theih ter i Pathian thu ih hnaqüannak cun a phursuak vivo asi.⁸

8 Zawn 16:13,14;1 Kor.2:10–12; Zawn 2:20,27.

6. Pathian langnak thon a pehpar mi thu hmuahhmuah cu Amai sunlawinak ding hrangah asi. Cun milai rundamnak, rinnak le nunnak hrangah asi ih cui thu cu A thiangmi ca sungah famkim te'n rak ngan cia thluh an si. Cucu ziangtik khal ah ziangcaan khal ah bet a ɿul lo. Khuahlan zumdaan pawl khal bet a theih lo i a ɿul khal a ɿul lo.⁹ Cuvek thotho in, Pathian thlarau hnen ihsin sunglam tleuvarnak in pe tin kan thei i, Cathiangih lang mipawl dikzet ih theihfeng nak ah a ɿul zet mi asi.¹⁰ Kannih cun Pathian biakdaan le Kohhran uk daan ziangmaw zat kan pom ve i, cucu Kristian sinak le lungdiknak relfel ding asi. Cui thil par ahcun Pathian

thudaanpawl thon ziangtik khal ah theenawk ding asi lo. A daan tlangpi vekin fimkhur zet in tuah ringring ding asi.¹¹

9 Zawn 6:45; **1** Kor. 2:9–12; **11**:13, 14:26, 40; **10**.Kal. 1:8, 9:2 **11**.Tim 3:15–17.

7. Cathiang sung um thupawl hi an dinhmun um daan fiangfel ten sim lo hmansehla mihrekhat cun midangpawl hnakin an theifiang sawn.¹² Milai rundamnak hrangih a tulmi cui thilpawl cu theih ding hrimhrim asi, cun zum ih awih ding tipawl cu fiangten in sim ih a dang khal ah in simfel theu. Cuticun fimthiamnak neilo mipawl khal in a thu ih a ti duhsan an thei ding i, duhdim te'n an theifiang thluh ding.¹³ Cun zumtu dang pawl bomtul an um khal hawl i bomve ding asi.

12 2 Pet 3:16, **13** Sam 19:7;119:130

8. Hlan lai ih Pathian mi a raksi mi Hebrew ṭongih ngan mi thuthlung hlun le¹⁴ cui san in miphunkip ih an hmanrual le an theih bik mi Krik ṭong ih nganmi thuthlung thar ngan lai ah Pathian in an thinlung sungih a sim vek in an rak ngan i, ahmaisa bik ah a thawkkhum i, cuisin a hleice ih kilnak le humhimnak in, Pathian in thianghlim te'n a kilhim. Curuangā a thupawl cu Kohhran hrangah a tak sinak in hna aṭuan i, sakhua zate ih an buaibik mipawl khal relfel thei in netabik thuneinhnak ah a cang.¹⁵ Pathian mi hmuahhmuah cun tuah theinak an neih vek in Cathiang khal ah lungphumnak nei in Pathian ṭihzahnak thon hawlding.¹⁶ Cun siar dingin thupek kan si.¹⁷ Asinan Hebrew le Krikpawl hi cumi siartu an si thluh tin kan theilo. Himi Cathianghlim cu ṭong phunkip inleh thluh ding asi,¹⁸ cutin pomtlak mi

biaknak in Pathian an be thei ding i, tuarfainak le Cathianghlim ih thlangamnak thon beiseinak an nei thei ding asi.¹⁹

14 Rom 3:2. **15** Is 8:20. **16** Att. 15:15. **17** Zawn 5:29.

18 IKor 14:6–9. 11–12, 24,28; **19** Col 3:16

9. Hi Cathianghlim hi sualtheilo mi nunfung a sivek in a Cathianghlim lala in let ding asi, cafang theih fianglo mi a um tikah hmundang ih ngan mi casung thotho ah zohsaal ding asi, ziangahtile cangan mi dang thon zohton in kan let le a fiang sinsin i famkim le dik zet in hmuh feng theih asi.²⁰

20 2Pet 1:20–21; Att. 15:15–16

10. Sakhua hmuah hmuah ih an thubuai cu Cathianghlim in a rel fel sak thluh thei i, cui Pathian thulawng hi thubuai daitertu asi. Thu reltupawl ih thupek hmuahhmuah, hlanlai cangantupawl ih ruah daan, mibur le mi pumpaak ih thubur mi thurinpawl cu Thlarau Thianghlim ih pek mi Cathianghlim ih thurel rem daan vek in pom ding maw hnon ding an si ti in theih ter tu cu Cathianghlim lawng hi a rak si. Cunah cun rinnak cun netabik colh hahdamnak a sarsuak asi.²¹

21 Matt 22:29–32; Eph. 2:20; Att. 28:23



2. PATHIAN LE A THIANGHLIMMI THUMTHLAKRUAL

1. Pathian pakhat a um, pakhat telawng asi,¹ anung mi le Pathian ngai ngai asi.² Mahte um cia asi i,³ A famkim nak le bikhiah neilo asinak ah a famkim.⁴ A sinak umzia cu zohman ih tah theih le ban ding rual asilo. Amah cu a thiangmi thlarau asii milai vek in athleng thei mi lunghninnak, taksa le taksathen a neilo ih hmuuh theih lo asi. Amah in thinlung sual duhnak a neilo, milai ih sup theilo mi hiarhalnak hrimhrim a neilo.⁵ Thleng aw dualdo mi a silo.⁶ Milai ih ruahban lo mileng ah a um,⁷ catuan,⁸ hmuhtlang theihlo le thilitheink thon khat mi bikhiah neilo⁹ le ̄oih theilo a si. A thianglim bik,¹⁰ a fimbik, a zaleenbik, anhgetbik mi asiih ziangkhal ih rawi theilo mi asi.

Ziangkim a tumtah le a khawkhan vekin a tuah thluh,¹¹ A thleng aw dah lomi a thu dikfel bik cu a tuah theu; cucu Amai sunlawinak ding ah asi.¹²

Miduhdawtthei bik, mi zangfahthiambik, tuarfeibik, ̄hatnak le thudik ah haidaih awzet mi asi; kan thatlonakpawl, Pathian kan dokalh nakpawl le A daan kan thlunlonak pawl khal in ngaidam.

Amah cu feiherh zet ih hawltupawl le duhtupawl laksawng petu asi.¹³ Sual huatu khal asi.¹⁴ A thurel mi sun ah mithiang, midik le tihnungbik mi asi,¹⁵ sualnak hmuahmuah huatu a si ih sualtu cu zo khal a ngaidam lo ding.¹⁶

1 IKor. 8:4–6; Deut 6:4. **2** Jer 10:10; Is 48:12.

3 Exo 3:14. **4** Zawn 4:24. **5** I Tim 1:17; Deut 4:15–16.

6 Mal 3:6. **7** ISg 8:27; Jer 23:23. **8** Sam 90:2.

9 Gen 17:1. **10** Sam 115:3; 5:5. **11** Sam 5:3; Is 46:10.

12 Thuf 16:4; Rom 11:36. **13** Exo 34:6–7. Heb **11:6**.

14 Neh 9:32–33. **15** Sam 5:5–6 Exo 34:7; **16** Nah 1:2–3.

2. Pathian cu Amah le Amah ah khopkham awmi nunnak,¹⁷ sunlawih thanḡhatnak,¹⁸ ̄hatnak le malsawmnak tinkim a neitu asi ruangah famkim mi asi i,¹⁹ thilnung a tuah miziangkim hi ̄ulsam mi zianghman a neih lo tlunah cuangpawl hnen ihsin sunlawi thanḡhatnak khal ala dah lo.²⁰

Amah cu, cuvek asi lo bak ah cuangpawl hmang tahrat in Amah le Amah a lang aw ter sawn asi. Cun Amah cu nunnak hmuahmuah ih bulhram a si ih Ahnen ihsin Amai ruangah Amai lam ah ziangkim an cang ih an um thluh asi.²¹ Amah cu thawhnak le ziangkim luannak le cemnetnak khal asi.

Amah cu A sersiam mi hmuahmuah par ah thuneitu sangbik uktu asi ih cupawl lala hmangin a hnatlaknak zawngin anmai hrangih thiltha a tuah duh mi pohpoh cu tuahtheinak huham anei.²²

Amit hmuuh ah ziangkim hi an lang fiang kelkel thluh i,²³ A fim nak cu bikhiah neilo le sualthei lo le palh theilo asi. A sersiam mi ah a hngat aw dah lo i, atuah mipoh in fello mi khal a um lo. Ziangkim A thurel

cat mi, A tuahmipawl, le A thupek mipawl hi A thianghlim bik i A hnatuannak le A thilti mi ahhin ziangkhal a tawkban tu a um lo.²⁴

A sersiam copmi vanmi le lei mipawl cun an sersiam tu biak dingah lei an bat cio,²⁵ cun A mah ren ding le thuawi ding khal an nei lai. Amah in ziangkim tuah dingih a dil vek in a duh zawngih an nun khal a tul.

17 Zawn5:26. **18** Sam 148:13. **19** Sam119:68. **20** Job22:2-3.

21 Rom 11:34-36. **22** Dan 4:25 & 34-35. **23** Heb 4:13.

24 Ezk 11:5; Att. 15:18. **25** Sam 145:17. **26** Thup 5:12-14.

3. Pathian a mi sinak cu mi pathum asi i, Pa le Fapa le Thlarau Thiang hlim an si.²⁷ Pathian sinak ahcun sankhuk thiltithe inak ahcun pakhat a si ih, cucu a famikim mi Pathian cio an si ih Pathian hram ahcun then aw theilo an si.²⁸ A fapa neihsun catuan fa hnen ahcun Pa asi ih,²⁹ Pa le fapa hnen ihsin Thlarau Thianghlim cu a ra.³⁰ Curuangah a sinak le a umnak ahcun bikhiah neilo catuan Pathian asi, asinan a Pathian sinak hram ahcun an mipum sinak ih zomawknak ahcun an dang cio, cun an hnatauan daan hi an dang cio.

Thumthlak Pathian thurin: Pathian ih mi pathum um thu hi Pathian thon kan pehtlaihawknak hram asi ih kan hnangamnak khal Amah ah a bun aw. Pathian hram ih a pehtlaih aw mi pakhat le pakhat cu fiangzet a um. Cucun Pathian sinak in sim ih in zirh asi. Curuangah hi thurin hi Amah kan hawlnak thuhrampi le kan pumpak thon kan pehzom awnak asi.

27 Izawn 5:7;Mtt **28** 19:2 Kor. 13:14Zawn 14:11; Ikor 8:6.

29 Zawn 1:14,18. **30** Zawn 15:16; Kal 4:6.



3. PATHIAN THUSUAH

*Pathian ih sandaih thurelcatnak pawl le a duhdaan
Pathian lamhmuhnak le A catuan thiltum*

1. Catuan tikcu hmuahmuah ihsin anmah le an cante ah ziangkim cang thluh dingin thu asuah, cucu Amai fimmak le a thianghlim mi duhhril nak liolio in Amahte rawn aw in zaleen zet le hnoihnihnak umlo te'n a tuah, ti duhnak cu Pathian in thil pakhat a tawlrel tikah a thu a thin dahlo.¹

Cu mi a tuah tikah Pathian cu sual tawlreltu asilo ih minung in sual a tuah khal ah a hnoihnih aw dah lo.² Cun thu asuah tik khal ah sersiam mipawl ih duhnak ziangkhal a tello ih, thu umzo mipar khal ah ziangkhal a tuah lo. Thu ziangkim a thleng mi hin Amai fimmak a lang ter i, a tuah mi ah huham le hmualnei zet in a tuah ih tlun ah a sersiam mipawl tihnget vivo a tum sawn.⁴

1 Isa 46:10;Eph 1:11; Heb 6:17; Rom 15:18.

2 Jas 1:13-15;1 Zn. 1:5. **3** Att. 4:27-28;Zn.19:11.

4 Num 23:19;Eph.1:3-5.

2. Pathian thusuah cu A thu theih cianak parah a thum awlo, cun thil um cia par khal ah siseh, hmalam ah hiti'n thil an cang ding timi par khal ah a hngat awlo.⁵ A theih

khawlnak le hmuhkhawlnak hmuahhmua cu a danghrim in Ama'i sung um mi asi.⁶

5. Att. 15:18. **6** Rom 9:11–18

3. Pathian sunlawinak a langsua theinak dingah Amai thupek suaknak in mihrekkhat le vancung mihrekkhat pawlcu Bawipa Zisuh ruangin catuan nunnak ah a ruat cia asi, cun a nemhnget hai asi.⁷ Curuangah A zangfahnak a langternak a si.⁸ Midangpawl, an sualnak sungih tang siatral dingah a tan (a ret) hai i, A dingfelnak hngak dingin a hmuh hai asi. An tuah duh mile cakhiar mi tuah dingah le ti famkim dingin a taanta, cucusu hnon an sinak dingah asi.⁹

7 ITim 5:21; Matt 25:34. **8** Eph. 1:5–6; Rom 9:22–23. **9** Jude 4

4. Pathian ruatcia mi thupawl vancung mi le minungpawl cu fiangte'n le upat zetin hmin ape hai, curuangah hi pawl hi felzet ih bituk mi an si. Ahleice in ruatcia mi vancung mipawl cu thithei le karhpung thei khal an silo.¹⁰

10 2Tim 5:21, Zawn 13:18.

5. Nunnak hmuding ih ruatlawk mipawl cu Pathian in leilung sersiam hlan ihsin a hrilsuak thluh zo mi an si. Cucusu athleng aw dahlo mi catuan nunnak le tumtahnak le Amai duhzawng le A thuthup pawl thon rem aw thluh in a tawlrel thluh. Mihrekkhat pawl cu Krih sungah catuan sunlawinak dingah a hril, cucusu Amai zangfahnak hrimhrim in asi.¹¹ Milai lamah zianghman hril theinak umlo hmansehla A duhdawtnak ah a hrilcia pawl cu a ruatcia thluh hai.¹²

11 Eph. 1:4,9; Rom 8:30. **2** Tim 1:9; ITIess 5:9.

12 Rom 9:13–16; Eph. 12:5 & 12.

6. Culawng silo in, Pathian in cuangpawl cu sunlawinak ah a ret thluh hai. Amai duhdaan ciah in a famkim mi tumtahnak

le catuan thil a tawlral sak, an rundamnak hmusuak. dingin a ruatcia asi.¹³

A hril mipawl cu Adam ih tlusia zo an si i, cupawl cu rundam an si.¹⁴ A caante ah Thlarau Thianghlim ih hnauannak in Krih ah rinnak ruangin kawhsuak an si, cui hnu ah thiamcoter an si i, ro co dingah fa ih pom an si. Cun fa ih pom mipawl cu a thianghlim ter,¹⁵ rundamnak sungih an famkim vivo theinak dingah cu pawl cu rinnak ih a huham cahnak ruangin A kilkhawi hai.¹⁶ Curuangah mi dang silo in hril mipawl lawngin hi ropi zet thatnakpawl an co ngah asi.¹⁷

7. Hi a sangzet mi ruatlawk thurin hi ralring le fimkhur zet uh ken a tul ruangah Pathian thu ih a langmi Pathian duhnak thu awi thei dingin a hruaitu asi. Sannei zet ih anmah kawhnak thil fiangzet ruangin an catuan hrilnak cu an fiang thei thlang. Tongdang in kan tile, an rundamnak le hril mi an si thu ah aamkham asi zia an thei fiang tinak asi.¹⁸ Cui ruatlawknak cun Pathian lawm ding in a cawisang i¹⁹ cun Pathian upatnak le mangbangza zet in duhnak a neih ter.²⁰ Cuitlun ah, phahniam awknak nun tla a pe bet, zuam zetnak le hnangam hlenhennak tiangin a pek. A thuthangtha awitu le thlun tupawl hnen ahcun a pek cio an si.²¹

18 ITIes. 1:4–5; 2 Pet 1:10. **19** Eph. 1:6; Rom 11:33.

20 Rom 11:5–6. **21** Luke 10:20.



4. SERSIAMNAK THU

1. Atir ihsin sersiamnak cun Pa Pathian, Fapa le Thlarau Thianghlm a lawm,¹ ziangahtile Amai huham ih sunlawinak cu a lang ter,² A simnak le Athatnak cun leilung ih hmuu theih lomi le hmuu theih mi thil azate'n niruk sungah a sersiam theh, “cupawl cu Pathian in a tha tuk tiah”, ati.³

1 Zawn 1:2–3; Heb 1:2; Job 26:13. **2** Rom 1:20. **3** Col 3:16.

2. Pathian in thildang hmuahhmuah a sersiam thluh hnu in milai a sersiam i mipa le nunau tla a tuahmawi.⁴ Annih cun leipar ih sersiam mi zate parah thuneihnak an nei, a siathei lomi nunnak le ruat theinak thon a tuahcih.⁵ Anmah a sersiam san cu Amai hrangih nun duhnung tei an nun theinak dingah asi.

Pathian pianhmang pu in A sersiamnak cu simtheihnak, felnak le thianhlimnak dikah,⁶ Pathian daaan cu an thinlung sungah ngan a si ruangah famkim zet ih thlun theinak huham an nei.

Cuti cing cun, an duhhrilnak zaleennak taanin daan pahbalnak hnuai ah an nunglai thotho ih, curuangah thinlung hnget lo in thinlung hel zetin an um.⁷

4 Gen 1: 27. **5** Gen 2:7. **6** Ecc 17:29; Gen.1:26.

7 Rom 2:24–15. **8** Gen 3:6.

3. An thinlung sungih Pathian daan ngan tlun ah cui caan lala ahcun sia le tha thleidaan theinak thingrah eilo dingin thu a pek.⁹ Cui thupek an zomlai fang ahcun Pathian thon an pawlnel awknak ah lungawi zet in an um. Cun sersiam mi ziangkim parah lalnak le mi kaihhren theinak nei in an uk.¹⁰

9 Gen 2:27. **10** Gen 1:26,28.



5. PATHIAN IH MIKILVENNAK

(Pathian ih kilkhawinak le zohzunnak)

1. Thil ziangkim jhate'n sersiamtu Pathian cun bikhiah nei le neilo A huham le A fimnak, A kilkhawinak, lamhmuhnak, zemdarhnak, le uknak thon thil ziangkim le sersiam mi zate'n,¹ A sualthei lomi A fimnak sangbik le a thleng aw dah lomi A duhnak in A sersiam mi zate'n a tumbik in a fate bik tiang,² cun a sangbik mi A fimnak le a kilvennak in a net tiang tungding thluh dingah a sersiam mi an si. A tum tah mi ti famkim dingin a uk ih a pek-hai.

Amai duhnak cekci le a thleng awdah lomi A theihcianak veikin a tumtah mi ti famkim dingin a uk.

A fimnak ih huham, felnak, tah theih lomi A ḫatnak le A zangfahnak pawl cu thangḥatnak dingah asi.³

¹ Heb 1:3; Job 38:11, Is 46:10–11, Sam 135:6

² Matt 10:29–31. ³ Eph. 1:11.

2. Pathian thusuak le a thutheihcia nak hi pehzom aw hmansehla, Amah cu ahmaisabik titu asi veikin tlu theilo le thleng awtheilo in thil ziangkim a tuah. Cucu a zom aw kumkhua mi A thusuak le A fimnak ruang in asi. Curuang ah langpang ih a thilpek le ziangkim a cang mihi an mah te racang mi pakhat te hman a umlo.⁵ A

thilpekawl cu a thusuak ih cangthluh an si veikin thu neta sawn ih cangmi an si. Cui thilcang mi cu a poimawh tuk ruangah le a zalen tuk ruangah khal asilo.⁶

⁴ Att. 2:23. ⁵ Thuf. 16:33. ⁶ Ge 8:22.

3. Pathian cun Amai kilvennak veikin sanh neizetin a tuah i,⁷ cumi khal ah anmahpawl umlo in a tuah thluh, cucus a tlun No.2 ah kan hmuzo. Hmanseh, Anih cun zalen zet in aleng ah siseh,⁸ asung ah sisch⁹ A tuan lawng silo in a dodal thei.¹⁰ Cucu amai lunghnemnak ah asi.

⁷ Att. 27:31 & 44; IS 55:10–11.

⁸ Hosea 1:7. Rom 4:18–21. Dan. 3:27

4. Pathian cahnak huham, hmuhhawl theih lo mi fimnak, bikhiah theih lo a ḫatnak pawl cu minung hmaisabik sualsung ih um le a tluse mi hnen ah siseh, sualnak dang a tuah tu vancung mipawl le minungdang pawl hnen ah siseh, a thalo lam a tuahtu pawl hnen ah siseh a lang suak thluh.¹¹ Cucu a sangbik mi Ama'i tumtah veikin asi.

Hihi kaihhrennak le thildang khamnak tiangin a huaptel thluh.¹² Hi bituk theih mi thil hmahhmuah hi Pathian ih hnaṭuan mi ah an tel thluh i, a thianghlim mi A tumtah sangbik tiang ih pusuak vivo tu asi.¹³

Sual ḫatlonak cu milai le vancung tluse mipawl hnen ih sin a rasuak mi asi, Pathian hnen ih suak asilo, ziangahile Amah cu thianhlimnak le felnak neitu asi. Curuangah Pathian cu sualtuah tu le thiltha lo tuah dingah lungkimnak a nei dah lo.¹⁴

¹¹ Rom 11:32; 25 Sam 24:1; IChron 21:1.

¹² 2 Siang 19:28; Sam 76:10. ¹³ Gen 50:20; Is 10:6.7.12.

¹⁴ Sam 50:21; Izawn 2:16.

5. Mifimbik, felbik, le zangfah thiambik Pathian cun Amipawl hnenah anmai duhvekin sualforhnak le thinlung sualraalnak a phunphun tuah dingah a zuah hai, cucu an sualnak par ih nunzirh le nunsim an ton theinak dingah siseh, an thinlung sung ih tang ringring mi bumnak le a thup aw mi siatralnak thazang langsuak i zirhthei dingah asi. Cu lawngah a tikcu hmuah hmuah in an ṭulzia an hun thei dingih Amah ah hngat awknak an nei thei ding, cun a ralai ding tikcu khalah sual dodal in humhimaawk thei nak ah a bawm thei ding.¹⁵ Cun himi pawl le lamdang thil khal ah Ama'i felnak, thianhlimnak ih tumtahnak in a tawlrel sak hai ding i, cun A hril mipawl hnen ih ziangkim cang dingih a tawlrel mipawl kha anmai ṭhatnak le Ama'i sunlawak ah an si thluhding.¹⁶

15 2Chron 32:25–31; 2 Kor. 12:7–9. **16** Rom 8:28.

6. Pathian cu dikzet ih thuṭhentu a si vekin miṭhalopawl le Pathian ngaihsaklo pawl cu ṭhu a then i, an sualnak ruangah thlarau lam mitcawtnak le lunghaknak a pek hai.¹⁷ Cupawl cu A zangfahnak in A kaihrem nak lawng silo in, A thuṭhennak in an lung kekkuai an hmuhtheinak ding ah asi.¹⁸ Asinan a caan caan ah an neih mi laksawng khal a long saal theu.¹⁹ Cun an sual caan ih an siatralnak thuhla le an thil um tu daan tiangin ṭhazet in a theih ter saal theu.²⁰ Ṭongdang cun, Pathian cun anmai hiarhal tuk ruangah leilung ih thlemnakpawl, Setan ih thiltitheinak, ti pitlin dingin thu a pek lawlaw hai,²¹ cucu hmang tahrat in midangpawl thinlung kuaineem ter vivo in an lunghak sinsin dingin Pathian ih a titer duhsan mi an tuah vivo.²²

17 Rom 1:24–28; 11:7–8. **18** Deut 29:4. **19** Matt 13:12. **20** Deut 2:30; 2Kings 8:12–13. **21** Sam 81:11–12; 2 Thess. 2:10–12. **22** Exo. 8:15 & 32; Is 6:9–10; IPet. 2:7–8.

7. A tlangpi thu in Pathian kilkhaawinak cu a sersiam mi hmuahhmuah a fansuak thluh vek in, a bikin A mipawl (Kohhran) cu a kil khawi hlehle, cuitlunah A kohhran ṭhatnak dingah ziangkim tlun khal ah a ukcih.¹³

23 ITim 4:10; Amos 9:8–9; Is 43:3–5.



6. MILAI TLUKSIATNAK

(Sual le A cawhkuannak pawl)

1. Minung cu Pathian kutsuak a si vekin, famkim le nunngil zetin a sersiam tlunah daan felzet a pek i, cui daan a thlun lawngin a nun a hum. Cun Pathian daan cun milai cu daan a pahbal le a thi ding ti'n ralrinnak a pek cia,¹ sihmansehla milai cu hi daan upat zetin a nung theilo.

Setan cun rul hrokhol hmangin Eve sualah tlu dingin a thlem. Cunah cun Eve in Adam hnen ah zianghman hnekawknak umlo in a neh law law, an tumtah le anmai duhnak in Pathian daan cu an pahbal; cui an pahbal mi cu thingrah ei don mi an ei mi kha asi.²

Cun hi tuahnak par ah Pathian cun A fimmak le thianhlimnak thusuak vekin Amah lawm dingin siannak a pe, ziangahtile Amai sunlawinak dingah asi.

1 Gen 2:16–17. **2** Gen 3:12–13; 2Kor 11:3.

2. Hi sualnak ruangah hmaisabik ih kan nu le pa cu a tir ih an thianhlimnak le an felnak thon Pathian an pawlnelnak dinhmun ihsin an tlu. An felnak le an lungawinak an hloh tarai. An sualnak ~~a~~ cun kan tel thluh, cui sual cun mitin hnen ah thihnak a run thlen.³ Mikip cu sual ih thi ah an cang thluh.⁴ cutin an thlarau, an thinlung le an taksa cu a borhhlawh thluh.⁵

3 Rom 3:23. **4** Rom 5:12, etc. **5** Titus 1:15; Ge 6:5; Jer. 17:9.

3. Milai in innsang cu ahmaisabik kopkhat simi innsang ah a bun aw, curuangah Adam le Eve cu mitin ih khan le tonak ah a um thluh vekin an thatlonak sual cu an cithlahpawl hmuahhmuah ih sual ah Pathian in a siartel thluh.⁶ Curuangah an tefasin thleng tiang sual pai thluh an si.⁷ Cun annihpawl cu thinhengnak fate ih sinak an nei cio.⁸ sual sal ah an cang thluh i thihnak cu an hmabak asi,⁹ cun midangpawl sim banlo mi thlarau lam ah siseh, taksa thil thu ah siseh an selinglet thluh. Cucu Krih Zisuh ih a luatter laihanlo cui sual dinhmun ah an ding asi.¹⁰

6 Rom 5:12–19; IKor 15:21–22,45,49. **7** Sam 51:5; Job 14:4. **8** Efi 3:3.9 Rom 6:20 & 5:12. **10** Heb 2:14–15; I Thes. 1:10.

4. Nitinte Pathian daan pahbalpawl cun miti'n a rah suak thluhnak cu ahmaisabik ih borhhlawhnak ihsin a ra.¹¹ Santlailo zianghman tuah theilo le mi dokalh tu sual tinkim ih hnathong hehe ringring ah an cang.¹²

11 James 1:14;15; Matt. 15:19–21. **12** Rom. 8:7; Kaw 1:21.

5. Mipiangular pawl ih nun ahcun cui borhhlawh sinak sual cu a taang ringring.¹³ Sihmansehla cui sinak sual cu Krih ruangin ngaidam le malter asi. Asinan cui borhhlawh sinak sual cu atang lai thotho. Sual ding ih cangvai tu ah cun thoktu ringring asi. Cucu ataktak cun sualhluumpi asi.¹⁴

13 Rom 7:18,23; Eccl 7:20; IZawn 1:8. **14** Rom 7:23–25; Gal 5:17.



7.PATHIAN THUTHLUNG

1. Pathian le sersiem milak cu a hla aw zet. Cui sersiam mipawl cu ruatthei mi sikhalsehla, sersiamtu hnen ah sersiam mipawl cun thuawi ding cu an leiba asi. Mai palung ih phahniamnak an neih lo ahcun Sunlawinak laksawng an ngah thei dah lo ding. Hi thil ahhin Pathian a lungawi theinak a sim i a lang ter theu.¹

¹ Luke 17:20; Job 35:7–8.

2. Cuitlunah, milai a tluksiat ruangah daan ih camsiatnak hnuiah thlen asi ve kin zangfahnak thuthlung tuahnak lawgin Boipa ati lungawi thei asi.² Hi thuthlung ah Amah cun misual rundamnak lam ah misual rundam asi theinak dingah Zisuh Amah rori man lo in a pe aw i, misual run asitheinak ding in Amah lala in zumding in a ngen asi.³ Catuan nunnak nei ding ih a ruatcia mipawl hnen ahcun tiarkamnak a pek hai i, Thlarau Thianghlim cun annmahpawl hnen ah duhnak nei ding in le zum thei dingin a tuah hai.⁴

² Ge 2:17; Gal 3:10; Rom 3:20–21.

³ Rom 8:3; Mark 16:16–16; Zawn 3:16.

⁴ Eze 36:26–27; Zawn 6:44–45; Sam 11:1–3.

3. Hi thuthlung cu thuthangtha ihsin a lang ih, ahmaisabik ah nunau cithlah ih rundamnak thutiam sungah Adam

hnen ah a lang.⁵ cuihnu ah thukamthar famkim zet ih tiakam alang thluh laihlanlo feh vivo in a um.⁶ Hi rundamnak thuthlung cu hrilmipawl tlenak ah Pa le fapa kartla mi catuan thuthlung parah a thum aw mi asi.⁷ Himi cu kan phu lomi a zangfah hnak hrim hrim ih thuthlung asi. Rundamnak cocia mi a fale pawl hmuahhmuah hnen ah hi thuthlung cu tuah asi i, cuangpawl cun nun an nei. Cupawlcu a thitheilo mi thlarau lam ih lungawinak pittop thon thluasuan si. Ziangahtile Adam cu zianghman theilo ih amai dinhmun ih a dinh lai ah ziang khal titheilo in um hmansehla Pathian ih pomnak cu hlokzet in a hun hmu thotho.⁸

⁵ Ge 3:15. ⁶ Heb 1:1. ⁷ 2 Tit 1:2.

⁸ Heb 11:6 & 13; Rom 4:21–22 Att. 4:12;; Zawn 8:56.



8. REMNAK PALAI KRIH

1. Pathian le minung karlak ih remnak palai sidingin pahnih lak ih lungkimnak thuthlung tuah mi a fapa neihsun Bawipa Zisuh Krih hrilnak le tuanvo pek ih nemhgetnak ah Amai catuan tumtahnak thu hin Pathian a ti lungawi asi.¹ Cucu profet,² puithiam,³ le Lal,⁴ lu le A Kohhran ih rundamtu,⁵ ziangkimah rocotu,⁶ le leitlun pumpi thuthentu asi ding.⁷ A liamzo caan ah, A mipawl cu Amai fahniangpawl sidingah Boipa Zisuh hnen ah a pekzo, cuangpawl cu anmah cante ah tlenh an si ding i, kawh an si ding, thiamcoter an siding, thianhlim ter an si ding i, Zisuh ih zarah sunlawih vivo ding an si.⁸

(*Tlenh* timi cu saltaannak ihsin Krih thisen sunglawi in leisuak mi ti asi. *Kawh* timi cu eltheihlo mi tuukhaultu ih kawhnak le finkhawnnak ti asi. *Thiamcoter* timi cu Pathian lam oh ngaidamzo mi le dingfelzo tiih phuannak asi. *Thianhlimter* timi cu a huham caknak ih tidam le thiaghlimnak hrang ih tlenh viarviar tinak asi. *Sunlawih* timi cu van sunlawinak ih cawisan tikah famkimzet ih anetabik ih mawinak taksa thlengawk thluh ding tinak asi.)

¹ Isa 42:1; IPet 1:19–20. ² Att. 3:22. ³ Heb 5:5–6.

⁴ Sam 2:6; Luke 1:33. ⁵ Efisi 1:22–23. ⁶ Heb 1:2.

⁷ Att 17:31. ⁸ Is 53:10; Zawn 17:6; Rom 8:30.

2. Pathian fapa cu thumthlak Pathian ih A mi pahnihnak asi i, Thutak le Catuan Pathian asi. Cucu a pa'i sunlawinak ih a suanvawr bik; Pathian thon thuhmunkhat thotho tinak asi. Amah cun leilung a sersiam i, thil ziangkim kaitu le A tuah mi hmuaahmuah ukthluh tu asi.

Caan famkim a thlen tik ah milai sinak kengin natnak tinkim a phur i,⁹ sualneilo taksa a nei,¹⁰ cun aliamcia catuan ahcun Amah ah Pathian sinak a umzo. Amah cu Thlarau Thiaghlim ruangin falahim Mary in a pai. Thlarau Thiaghlim cu ahnen ah thlengin asangbik mi thil in a pai. Thlarau Thiaghlim cu ahnen ah thlengin asangbik mi thil in a run thuam. Curuangah Bible ih ngan vekin, Amah cu David le Abraham ih cithlah, Judah hnamlak ih nunau pakhat ihsinasuak.¹¹ Cun ziangtikkhal ih thentheih dah lomi sinak pahnih cu Amah Sungah hmunkhat ah kom aw in an um. Cucu minung ih lungthlengnak, nemhngethak le sinak rawi awmi vek asi lo.

Curuangah Boipa Zisuh Krih cu Pathian le minung taktak asi. Amah cu umsun Krih, umsun remnak palai le Pathian le minung lak ih in remtu asi.¹²

⁹ Zawn 1:1,14;Gal 4:4. ¹⁰ Rom 8:3; Heb 2:14–17; 4:15.

¹¹ Matt 1:22–23 Kuke 1:27,31,35. ¹² Rom 9:5, ITim 2:5.

3. Pathian fapa Boipa Zisuh ih milai sinak ahcun sinak pahnih a simi Pathian le milai sinak zom aw in a um i, bikhiah zianghman umlo in Thlarau Thiaghlim in hriak a thih ih a thianhlim ter asi.¹³ Amah ahcun fimnak le theihnak rosunglawipawl hmuaahmuah hmuh in a um.¹⁴ Ciropawl thon a khat ih thianhlimnak,¹⁵ soinhawmding umlo, sual ih thamtheihlo¹⁶ le zangfahnak

le Thutak thon a khat ruangah A pa a ti lungawi.¹⁷ Curuangah felfaizte'i Remnak palai hnaṭuan suak theiding ah a tlingzet mi asi.¹⁸ Kawhnak umlo in hi hnaṭuan hi Amahte a phur mai lo. Tuansuak dingah A pa in ṭuanvo a pek.¹⁹ A pa in daan khap mi par ah thuneihnak a pek thluh i, leilung minung pawah Siangpahrarg a si vekin mikip par ah thuṭhen dingin ṭuanvo a pek.²⁰

13 Sam 45:7; Att. 10:38; Zawn 3:34. **14** Kaw 2:3.

15 Kaw 1:19. **16** Heb 7:26. **17** Zawn 1:14. **18** Heb 7:22.

19 Heb 5:5. **20** Zawn 5:22 & 27; Mtt. 28:18, Att. 2:36.

4. Boipa Zisuh cun remnak palai ih hnaṭuan cu duhnak sangbik thon a tuansuak thluh,²¹ cui hnatiuan ihsin a ban theinak dingah amahte daan hnuai ah a pe aw i,²² kan hrangah cawhkuān phur in kan phurh ding phur in, kan tuar ding mi tiang in famkim zet in in ṭuansuak sak thluh.²³ Amah cu misual ah can tahratin kan hrangah camsiat a tuar,²⁴ A nunnak cun riahsiatnak tumbik tuar in, a taksa cun ana bik mi harnak a tuar.²⁵ Khenbet in a um i a thi, cun mithi dinhmun in umhmansehla a taksa cu ṭoīhthluh in a umlo.²⁶ A taksa kel in thihnak in a thosal i,²⁷ cui a tuarnak ataksa thon van ah a kai,²⁸ cutawk ihsin A mipawl hrang ah dil sak ringring dingin a Pa'i vorhlam kut ah ato,²⁹ cun leilung cem tikah A vanmi le A mipawl thon thuṭhen dingah a rakir saal ding.³⁰

21 Sam 40:7–8; Heb 10:10; Zawn 10:18.

22 Gal 4:4; Mtt 3:15. **23** Gal 3:13; Isai 53:6; IPet 3:18.

24 2Kor 5:21. Matt 26:37–38; Luke 22:44; Matt. 27:46.

26 Att. 13:37. **27** IKor 15:3–4. **28** Zawn 20:25,27.

29 Mark 16:18; Att. 1:9–11. **30** Rom 8:34; Heb 9:24.

31 Att. 10:42; Rom 14:9–10; Att. 1:11; Pet. 2:4.

5. Bawipa Zisuh cun Pathian daan famkim zet i a tlunnak le A catuan tlharau ih a pek awk vek in Pathian hnen ih veikhat apek awknak kha mi hmuahhmuah hrangah asi, cucun Pathian dilmī hmuahhmuah dingfelnak hrangah a khopkham ter.³² Cucun remawk saalnak a dapsuak i, A pa in a hnenih a pekcia mi minung hmuahhmuah hrangah vancung uknak sungih roco theiding in a lei hai.³³

32 Heb. 9:14;10:14;Rom 3:25–26. **33** Zawn 17:2;Heb. 9:15.

6. Hi leilung ih Amah a rungsuak hlantiangah Krih ih tlennak man a pe ngaingai lo, sihmansehle leilung semtir ihsin san hmuahhmuah ih a hrilmipawl hrangah Amai tlennak hnaṭuan cu man neizet, ṭangkaizet le hmualneizet le hlensuah zet in man pek a si. Cupawl cun tiamkamnak, thilthlaam, le tuufate thawinakpawl ah Krih a si nak ah thawinak umdaan in an lang ter. Thlam ih langnak cu felzet in a um i, cui ci cun rullu a rial bek.³⁴ Amah cu leilung pianhlan ihsin thahcia Pathian tuufate asi.³⁵ Ziangaatile, Amah cu mizaan, tuisun le kumkhua'n danglam dah lo mi asi.³⁶

34 IKor 4:10;Heb. 4:2;IPet. 1:10–11.

35 Thup 13:8. **36** Heb. 13:8.

7. Krih cun remnak palai hna a ṭuannak ah sinak A neih mi Pathian le minung sinak koprem aw zetin le A sinak cekci in a kaphnih in an acangvai veve. Sihmansehla A mi sinak ih pumkhat sinak ahcun rem te'n khatlam le khatlam am um ringring.³⁷

37 Zawn 3:13;Att. 20:28.

8. Krih cun catuan tlennak sungih a neihcia mipawl hmuahhmuah hrangah ṭangkai zetin a nunpi ih a pawlnei

hai i, anmai hrangah thlacannak in hnāuan saknak a nei.³⁸ Amai thlarau in pumkhat sinak cu Amam ah a neih ter, an hnen ah alangaw ter, rundamnak thuthup cu A thu in le A thusungah a hmuh teri;³⁹ cucus zumding le awidingin a duhsak. Cun A thlarau le A thu in a uk hai.⁴⁰ A thiltitheinak huham le fimmak in an ral hmuahmuah a nehsak.⁴¹ Mangbangza le hawltheih lomi A kilkhawinak sungih aret mi ah lungkim cio thei dingin hi daan le lamzinpawl a ruatsak. Hi thilpawl hi Amai zaleennak le a sangbik mi A zangfahnak sungah a phurhsuak mi an si. A hril mipawl sung ahcun zianghman thathak umlo in hmuhding umlo khalsehla a hril thotho.⁴²

38 Zawn 6:37;10:15–16;17:9;Rom 5:10.

39 Zawn 17:6; Efis 1:8 IZawn 5:29. **40** Rom 8:9–14.

41 Sam 110:1; IKor 15:25–26. **42** Zawn 3:8; Efisi 1:8.

9. Pathian le minung lak ih remnak palai hnāuan cu Kri hnenlawng ih thil umthei mi asi. Amah cu kamsang, puithiam le Pathian Kohhran ih Siangpahrang asi, cun hi hnāuan hi Amai hnen ihsin midang zohnen khalah thawn thei mi asilo; ahrek khal siseh, a zate'n siseh a thon thei dah lo.⁴³

43 ITim 2:5.

10. Hi siarnak a dot dot le hnāunnak pawl umtu daan hi a thupi zet. Kan thatlo ruangah a Kamsang hnāuan cu kan tul.⁴⁴ Pathian hnen ihsin then aw kan si le kan hnāuan thabik khal a famkimlo mi a si. Pathian hnen ah remawknak neithei dingin A puithiam hnāunnak kan tul i, Amah ah pomtlak mi siding khal himi kan tul.⁴⁵ Pathian hnen ihsin kan tlaan hlo ih Ahnen ah mahte kan kirsaal theilo ruangah thlarau lam ih ral kan sinak

ihsin runsuak kan tulnak ruangah A Siangpahrang hnāuannak kan tul. Cui hnāuan cun vanram kan thlen tiangin thu theithiam dingin siseh, uk dingin siseh, naihtheidingin siseh, kaihnget dingin siseh, sansuak dingin siseh, kilhim dingin siseh a tuan.⁴⁶

44 Zawn 1:18. **45** Kaw 1:21; Gal 5:17

46 Zawn 16:8 Sam 110:3; Luke 1:74–75.



Pathian le minung lak ih remnak palai hnāuan cu Kri hnenlawng ih thil umthei mi asi. Amah cu kamsang, puithiam le Pathian Kohhran ih Siangpahrang asi, cun hi hnāuan hi Amai hnen ihsin midang zohnen khalah thawn thei mi asilo; ahrek khal siseh, a zate'n siseh a thon thei dah lo.⁴³

Hi siarnak a dot dot le hnāunnak pawl umtu daan hi a thupi zet. Kan thatlo ruangah a Kamsang hnāuan cu kan tul.⁴⁴ Pathian hnen ihsin then aw kan si le kan hnāuan thabik khal a famkimlo mi a si. Pathian hnen ah remawknak neithei dingin A puithiam hnāunnak kan tul i, Amah ah pomtlak mi siding khal himi kan tul.⁴⁵ Pathian hnen ihsin kan tlaan hlo ih Ahnen ah mahte kan kirsaal theilo ruangah thlarau lam ih ral kan sinak

ihsin runsuak kan tulnak ruangah A Siangpahrang hnāuannak kan tul. Cui hnāuan cun vanram kan thlen tiangin thu theithiam dingin siseh, uk dingin siseh, naihtheidingin siseh, kaihnget dingin siseh, sansuak dingin siseh, kilhim dingin siseh a tuan.⁴⁶

44 Zawn 1:18. **45** Kaw 1:21; Gal 5:17

46 Zawn 16:8 Sam 110:3; Luke 1:74–75.

9. ZALEEN DUHHRILNAK

1. Milai thawhkeh ihsin thu umdaan ah Pathian in milai duhhril theinak cu an hril mipar ah tuahtheinak huham zaleen zetin a pek i, cucus lotheihlo in siseh, tello hrimhrim ding tivek khal in si lo in cun mahte menmen ih a tul ruangah siseh, sia le tha hramhram ih titer mikhal a silo.¹

1 Matt. 17:12; James 1:14; Deut 30:19

2. Minung zianghman theilo thianghlim dinhmun ih a umlai ahcun thiltha tuah ding le Pathian duhzawng tuah dingin huham le zalen nak a nei.² asinan mihnget lo asi, curuangah a felnak dinhmun ihsin a tlu thei mi asi.³

2 Thusim 7:29. Gen 3:6.

3. Milai cu sual ih a tluksiat ruangah thlaraulam thil rundamnak thiltha tuahtheinak le duhnak thazang a hloh theh.⁴ Khawvel mi asi vekin thlaraulam thiltha tuah ding hmuahhmuah a dokalh i, cui thil hua in sual ah a thi.⁵ Mahte rundam si dingin a tawlrel aw theilo nan Pathian thlarau hnaüannak lawngin rundam asithei.⁶ Tong dang cun Pathian hnenih kirsaal dingin amahte a timtuah aw theilo.

4 Rom 5:6,7,8. **5** Efisi 2:1–5.

4. Pathian cun misual lung a thleng ter tik ah sualnak sung ihsin zangfahnak dinhmun ah a ret. Sinak sual sal ihsin a suah ter i,⁷ A zangfahnak hrimhrim in zaleen zet in tuah duhnak le thlaraulam ih thiltha tuahtheinak a pek.⁸ Sihmansehla thatlonak cu misual sungih a taan lai ringring ruangah a duhnak cu a famkim dah lo i, thiltha tuah dingih tang ding ahcun saduhthat cu asi lo, ziangahtile sualnak ah nuamnung zet ih nun le um a duh lai.⁹

7 Kaw 1:13; Zawn 8:36. **8** Phil.2:13. **9** Rom 7:15–23.

5. Milai duhhrilnak cu sunlawinak dinhmun ih dingin thiltha lawngte tuah duhnak zaleen zet ih a neih lawng ah famkim zet le thleng aw dah lomi duhnak nei in tuah asi ding.¹⁰

10 Efisi 4:13.



10. HMUAL NEL ZET MI KAWHNAK

(Pathian ih el theihlo mi Kawhnak)

1. Nun nei dingih Pathian ruatcia mipawlcu A thu le thlarau in hmual nei zet in a ko i, pom caan le caankhiah mite ah Amah an lawm.¹ Cuang pawl cu an pian keh sual le thihnak ihsin Bawipa Zisuh ruangin zangfahnak le rundamnak ah an thleng.² An thinlung sungah thlaraulam bengvarnak a pek i, rundam rero mipawl cu Pathian thilpawl theisuaknak an thok.³ Lungto thinlungpawl a lak sak ih taksa thinlung nemte a pek.⁴ An duhhrilnakpawl a tithar saal i, A thilitheinak huham thon thil̄ha hawl ding le thlunvivo dingin a din hai, cui caan lala ahcun Zisuh Krih hnenah hrailut an si.⁵ Cun thil ziang kim hiti ih a thleng awk thlhu hnu ahcurn zalen zet in an um i, Pathian zangfahnak ruangah duhnak nei in a tuah hai.⁶

1 Rom 8:30;9:7 Efisi 1:10–11;2Thess 2:13–14.

2 Efisi 2:1–6. 3 Att. 26:18; Efisi 1:17–18. 4 Eze 36:26.

5 Deut 39:6; Eze 36:27; Efisi 1:19. 6 Sam 110:3; Song 1:4.

2. Pathian ih hmualnei mi kawhnak cu A zaleennak le ace ih zangfahnak ih ngahmi an si. Milai nun pek a sihlan le Thlarau Thianghlim ih A tuahtar hlantiang cu daan pahbal sual ah a thi,⁷ curuangah hi rundamnak ah amah cu zianghman tuah theilo lawlaw asi, amah ah

zianghman thil̄ha tuahtcheinak hmuh ding a umlo, cuitlunah thiltitheinak le aiawhtheinak a um lo.⁸ Thlarau ih nuntersaal nak ruang in Pathian kawnak tla sannak a neithei thlang i, A pek mi zangfahnak tla pomkuah in a um thei i, thu tla a thei thei. Cui tuah thu dang silo in thihnak ihsin thotu Krih thawsalnak ih hmualneihnak in asi.⁹

7 2Tim 1:8; Efisi 2:8. 8 IKor 2:14; Efisi 2:5; Zawm.

9 Efisi 1:19–20.

3. Hrilzo mi nautepawl an nautei lai ih thipawl cu a duh caan ih tuantu, khui hmunkhal ih umtu le ziangvek khal ih mi tilung awi thei tu Thlarau zarin Krih ruangah suahharter le rundam an sitlhuh.¹⁰ Cuvek thotho in, hrilcia mi zianghman tuah theilopawl cu thuthangtha simnak ruangin langsar zet in kawhsuak an si ih run mi ah an tel thluh.

10 Zawn 3:3–6. 11 Zawn 3:8.

4. Kawh lomipawl cu thuthangtha simtupawl ruangin rundamnak pom dingin kawh rero mitla an um thei. Cun a thu parah an thlarau in cangvaihnak menmen tla um khal hla rundam an sicuang lo ding,¹² ziangah tile Pa in Krih hnenah hmualnei zet ih a dirhsuak mi an silo. Cu pawl cu Krih hnen ah rat duhtaktaknak le cak taktaknak an neilo.¹³ An suahpi mi thazang in zuamthei tawk in zuam in sakhuu zirhnak pawl thlun khal hai sehla Kristian zummi an pom lo ahcun rundam an silo ding.¹⁴

12 Matt 22:14. 13:20–21; Heb 6:4–5.

13 Zawn 6:44–45 & 65; IZawn 2:24–25.

14 Att. 4:12; Zawn 4:22;17:3.



11. THIAMCOTERNAK

1. Pathian cun Akawh taktak mipawl cu zaleen zetin thiam A co ter.¹ Mizokal dingfel le thattho zet an siruangah a silo, asinan an sualnakpawl A ngaidam dindi, mifello kha mifel ah siartel in A pom ruang ah asi sawn.² Anmai tuahthat le tuahtheinak ruang khal ah a silo, asi nan Krih zar ah asi.³ Thiam an co theinak cu an fel ruangah siseh, rinnak ruangah siseh, an zum ruangah siseh, cun Pathianthu an awinak parah a si lamlam lo. Asinan Pathian cun ziangziang khal a pumte in Krih ih felnak kha an felnak ah a siartel thluh zo ruangah asi, ṭong dang cun, Krih thulunnak zar ah asi. Anih cun Krih ih thulunnak pahnih asi mi Pathian daan pumpi ah pe awin thuawinak le Athihnak tiangih thulunnak a neihnak par ah mifel ah a ret thluh hai.⁴ Curuangah thiamconak a hmutupawl cu Krih ih felnak ah hngat awin an rinnak ah an cawl diahdiah; cui rinnak an neih mi cu an hnenih poksuak a si loi, Pathian ih laksawng asi.⁵

¹ Rom 3:24; 8:30. ²Rom 4:5–8; Efisi 1:7.

³ 2 Kor 1:30–31; Rom 5:17–19 Efisi 2:8–10.

⁴ Filip 2:8–9. ⁵ Zawn 1:12; Rom 5:17.

2. Thiamcoternak ah hmahruai umsun cu Amah

hngauhsan i an zumnak le an rinnak ruangih Krih dingfelnak an co mi asi.⁶ Hi rinnak cu thiam A co termi lawng silo in A zangfahnak ruangih rundam mi hmuahmuah midang hnen khal ah A famkim ter thluh. Cucu a thimi rinnak in khal a silo ih duhdawnak ih hnaṭuannak lawngin asi.⁷

⁶ Rom 3:28. ⁷ Gal 5:6; James 2:17–26.

3. Krih cun, A thuawinak le A thihnak ruangin thiam A co ter mipawl ih leiba hmuahmuah cu A samsak thluh, cun Amai thiglamta parih A thisen sunglawi ih raithawinak ruangin an cawhkuannakpawl le dam theilo mipawl cu Atuarsak nakin Pathian ngenh mi felnak a tlingtlak ter thluh.⁸ An thiamconak pawl cu zangfahn ak ih zallenak ruangin asi. Ziangahtile, ahmaisabik ah anmai can ai ih tuarleh tuah dingin Krih cu Pa ih manlo laksawng pekmi asi; pahnihnak ah Krih ih thuawinak le Anmai ruangih pommi Pathian dilmi daan cu a tifamkim ruangah; a pathumnak ah, hi zangfahnak hnatauanpawl cu anmai tuan theimi zianghman a umlo.⁹ Curuangah Pathian ih dilmi felnak vek rori in A lennak le ropitnak in A zangfahnak cu misualpawl ih thiamconak dingih A peksaal ruangah asi.¹⁰

⁸ Heb 10:14; IPet. 1:18–19; Is 53:5–6.

⁹ Rom 8:32; IKor 5:21.

¹⁰ Rom 3:26; Efisi 1:6–7; 2:7.

4. Catuan ihsin Pathian cun Ama'i hrilcia mipawl cu thiamco thluh dingah thu A suah.¹¹ Cun Krih cun, a caan a thlen tikah an sualnak pawl hrangah A thi i, an

thiamconak dingah A thosaal.¹² Sihmansehla Thlarau Thianghlim in Krih ih A mi sinak le A hnatuannak ih thatnak an nun ih a nunter taktak hlanlo cu bulpak cio in thiamcoter an silo.¹³

11 Gal 3:8;IPet 1:2;ITim. 2:6. 12 Rom 4:25.

13 Kaw 1:21–22; Tit. 3:4–7.

5. Pathian cun thiam A co ter mipawl ih an sualnak cu A ngaidam vivo,¹⁴ cun cuangpawl cu an thiamcoternak ihsin tlubah theilo khal hai sehla¹⁵ Pathian lungawilo ding zawng in an sualnak ruangah Amai kilvennak hnuaiyah an tlubah thei.¹⁶ Cuvek ih an umlai fang ahcun taangdawr te'i an umlai hlanlo cu Pathian mitmai tha ngah in tun din an si thei dahlo ding. Asinan an sual phuang i sualngaidam dilin le rinnak ih rimh nak an nein ahcun tundin an si ding.¹⁷

14 Matt 6:12; IZawn 1:&–9. 15 Zawn 10:28.

16 Sam 89:31–33. 17 Sam 32:5; 51; Matt 26:75.

6. Thuthlung hlun caan lai ih zumtupawl ih an thiamconak cu Thuthlung thar ih zumtu hmuahmuah ih thiam an co vek rori in an rak co ve.¹⁸

18 Gal 3:9; Rom 4:22–24.



12. FASITERNAK

1. A fapa neihsun Zisuh Krih zarah Pathian cun zangfahnak ruangih fa ih A pom mipawl cu thiam A co ter tluh i tlun ah covo neitu si cio dingin A duhsak.¹ Cumi ruang ahcun annihpawl tla cu Pathian fahniang ih siartel tluh an si. Cuangpawl cu an caan neih mi le an zalennak nuam an ti zet.² Cuitlunah Pathian hmin cu anpar ah bun a si i, fasinak tlharau khal an co.⁴ Ral̄tha zetin zangfahnak tohkham ah totheinak lamzin an nei, cun Abba, kapa ti in kawh theinak an nei.¹⁵ Zangfahnak an co,⁶ lainat duhdawtnak ih humhim an si,⁷ thil Ape,⁸ Pa vekin nun A sim,⁹ hnon an si dah lo,¹⁰ tlennak ni hrangah hminsins tluh an si,¹¹ tiamkam mipawl cu ro co tikah catuan rundamnak rocotu ding an si.¹²

1 Efisi 1:5;Gal 4:4–5. 2 Zawn 1:12; Rom 8:17.

3 2Kor 6:18; Thup 3:12. 4 Rom 8:15. 5 Gal 4:6; Efisi 2:18.

6 Sam 103:13. 7 Thuf 14:26 . 8 IPet 5:7. 9 Heb 12:6.

10 Isa 54:8–9; Tah 3:31. 11 Efi 4:30. 12 Heb 1:14; 6:12.



13. THIANHLIMNAK

1. Krih thon a pehzom awzo tu, sanh neizet ih A kawh mi, thlarau ih suakthar mi, cuangpawl cu A thihnak, A thawsaaalnak mankhunnak in thinlungthar le thlarauthar ih sersiam an si, cun nuntak le pumpak lamzin ah thianhlim ter vivo an si.¹ Ziangahtile Krih ih thihnak le thawsaaalnak ruangah A thu le A thlarau cun an sungah a cencilh.² Phundang zet mi sual taksa ih cakhiarnak pawlcu a kiam deuhdeuh i hlonhlo in a um vivo,⁴ cun Krih ih minungpawl cu nundersal le zangfahnak ruangih rundam mi hmuahhmuah pawl cu an cak deuhdeuh.⁵ Hi thianhlimnak hmuahhmuah a nunpi lo tu cu zokhal in Bawipa an hmu lo ding.⁶

1 Att 20:32; Rom 6:5–6.

2 Zawn 17:17; Efisi 3:16–19; IThes 5:21–23.

3 Rom 6:14. 4 Gal 5:24. 5 Kaw 1:11.

6 2 Kor 7:1; Heb 12:14.

2. Hi thianhlimnak cu a sinak pumhuap pi'n a rahsuak thluh ding,⁷ asinan hi nunnak cu famkimlo in a tang ringring. A taksa then dang dang ah sual duhnak thildang a nunglai,⁸ cun thlarau cu taksa caknakpawl in a dodal ih a rem aw lomi burnih cu ral aw ringring in a um thlarau khal in taksa cu A do ringring ve.⁹

7 IThess 5:23. 8 Rom 7:18 & 23. 9 Gal 5:17; IPet 2:11.



14. RUNDAMNAK HRANG IH RINNAK

1. A hril mipawl cu zangfahnak ih rinnak ruangin an thlarau run an si nak dingah zumtheinak a pek i, cucu an thinlung sunghih Krih thlarau ih hnāuannak in asi.¹ Himi cu A thu simnak ruangin rundam an hmuhthei nak asi.² A thu le A rawngbawlnak in siseh, Baptisma pek le Bawipa zanriah hilkhawnak in siseh, thlacannak in siseh, Pathian ih hnāuan zemnak ih thilsuak mipawl in siseh rinnak cu cak sinsin le pungsin sin in a um.³

1 2Kor 4:13; Efisi 2:8. 2 Rom 10:14–17.

3 Luke 17:5; IPet 2:2; Att. 20:32.

2. Rinnak ruangin Kristian cu Pathian thusung ih theih termipawl cu a zaten a dikthluh tin a zum, ziangahtile Pathian thuneihnak sangbik ih ṭongsuak mi a si.⁴ Pathian thu ih a hmuhsuak mi cu midangpawl ih cangan mi lak ah a sangbik mi thupek asi tile, lei lung ih thil um mi lak khal ah thupek sangbik a si ti'n a hmusuak.⁵ Hi thu cun Pathian sinak pawl a hmuh poh in Amai sunlawinak a hmuh ringring. Cun, Krih ih sinak le A hnāuannakpawl ṭhatuk ih a phurhsuak zia Amai ṭuanding ih pek mi hmuahhmuah ah thlarau huham le famkimnak in a ṭuansuak thluh zia khal hmuh asi.

Curuangah zumtu cun a zummi Thutak parah a nunnak zate'n a ret aw thlephlep,⁶ cun Cathiang sungih zirhnak a phunphun tla cu a hmu ih a tuahsaal thluh, rundamnak hrangih rinnak cun thupek mipawl a hmusuak ih a lung,⁷ tihnak le upatnak thon a ngai i,⁸ cun tui nun le hmalam ih nunnak hrangah Pathian ih thutiamawl cu a pomhnget.⁹

Asinan rundamnak hrang ih rinnak ih a poimawh bik mi hnatauan le ahmaisabik thilpawl cu Krih in tawntlang zetin A tuah, minung thlarau cun zangfahnak thuthlung ih thatnak ruangin thiamconak hrang ah siseh, thianhlimnak hrangah siseh, cun catuan nunnak hrang ah siseh a pom i, a lak i, Ama'i parlawng ah a cawl diah diah.¹⁰

4 Att. 24:14; **5** Sam 19:7-10; 119:72.

6 2Tim 1:12. **7** Zawn 15:14. **8** Is 66:2. **9** Heb. 11:13.

10 Zawn 1:12; Att. 16:31; Gal 2:20; Att. 15:11.

3. Rundamnak hrang ih rinnak cu a sangsang te'n then a si. Cui rinnak cu a cak le a derthawm ti'n a um.¹¹ Zangfahnak in rundam tivek thotho in a kiam zet mi rinnak a um i, alangte sung zumtu ih co mi zangfahnak naran le a zumnak thaw cun a dang aw zet.¹² A rahsuah ra cannak ah tu le tu donak le cahlohak um leuleuh khal sehla, neh nak cu a hmu theu asi.¹³ Krih ruangah Kristian tampi cu a famkim mi nufengnak an thlen laihlan lo nitin thanglian ding an si,¹⁴ sihmansehla cui Krih cu kan rinnak thoktan tu le famkim tertu asi.¹⁵

11 Heb 5:13-14; Matt 6:30; Rom 4:19-20.

12 2Pet 1:1. **13** Efisi 6:16; I Zawn 5:4-5.

14 Heb 6:11-12; Kaw 2:2. **15** Heb 12:2.



15. NUNNAK LE RUNDAMNAK HMU DINGIH RIMHNAK

1. Hrilmi hrekhat pawl cu an nunnak ah thate'i an nuan hlan lo cu an nun an thleng awlo i, an suahpi mi pianpi sual dinhmun ah an umlai thotho; curuangah leinomhnak le a thalo mi milem hmuahmuah dung an thluni, an cakhiar mi an rian. Cuihnu ah, Pathian ih hmual nei mi kawhnak ih a kawhmi an hnen a thlen tik ah catuan nunnak ih hruai thei dingin sual rimhnak a pek hai.¹

2. Zokhal, leilung parih sual neilo le thiltha tuah an um lo.² Mi thabik ih thiltitheinak, an sungih a cencilhlocun siatralnak ih bumnak le thleemnak ih cahnak pawlruangah Pathian ih huat zet mi sual tumzet a tuah thotho. Himi ruangah, Pathian ih zangfahnak thuthlung cun mi zangfah hna a thiam tuk ruangah sual tuahmi zumtu pawl hnen ah tundin an si theinak dingah sualrimhnak a pek i, cui rimhnak ruangin rundamnak ah an thleng.³

2 Thusim 7:20. **3** Luke 22:31-32.

3. Sualrimnak cun rundamnak ah a hruai i, cucu Thlarau Thianghlim cun minung sualnak parah rinnak ruangin kei cun sual tamzet ka tuah a si ti'n tangdawrzet ih nunnak thon sualphuan duhnak lung a thok ter i a neih ter.⁵ Hi phahniamnak cun Pathian ngaihsaknak zia a nei

i, sual huatnak le mah le mah hnon awknak tiang a neih ter. Cucu sual ngaidamnak hrangah le zangfahnak ih caknak hrangah siseh, tumtahnak le zuamnak hrang ah sisieh, thilarau ih thilti theinak hmuding in siseh, Pathian lomtlak nun cu Amah Pathianlam ih remzet mi nunzia a neihnak dingah siseh thlacamacak thon akop aw ringring asi.⁶

4 Zakha 12:10; Att. 11:18. **5** Ezek 38:31; 2Kor. 7:11.

6 Sam 119:6. 128.

4. A ḥoīh thei mile a siatral theimi taksa thihtcheinak kan neih ruangah kan nunsung hmuahhmuah ahhin sualrimhnak hi kan neihpēh vivo dingmi asi, curuangah mi zokhal in sual danghlei ce ti ih an theih mipawl par khal ah sualtuah lo ih rimh vivo dinghi an tuanvo asi.⁷

7 Luke 189:8; IRim 1:13–15.

5. Hi rundamnak lamzin ahhin zumtupawl nun ṭenṭo le zuamhraramnak ding hrangah zangfahnak thuthlung sungah Kri cun hi thil hi a pek asi, ziangatile a tebik mi sualnak khalin siatralnak a hmabak ve.⁸ Sihmansehla sual a rimh mipar ahcun ziangvek sualnak khal in siatnak ah a thlen theilo asi.⁹ Hi thu hin sualrimhnak thusimnak hi tuahpeh vivo a ṭul zia sim asi.

8 Rom 6:23. **9** Is 1:16–18; 55:7.



16. HNAUAN THAPAWL

1. Hnauan tha timipawl cu Ama'i thuthianghlim sungih thupek vek ih hnauan asi.¹ Cuvek hnauantha cu milai ih polcop hnauanpawl, tumtahnak ṭhazetzet pawl parih huamzettak an silo, ziangruangah tile Thilarau Thianghlim ih pek le telmi a silo, ṭongdang cun Ca thianghlim ih uarmi sungah cupawl cu an tello.

1 Mik 6:8; Heb. 13:21. **2** Matt. 15:9; Isa 29:13.

2. Pathian fialmi parih tuah mipawl cu hnauan tha taktak an si, cucu rinnak in nunnak le atakram nun ih langmi a rahsuahpawl an si. Hipawlhin zumtupawl ih an lungawinak an langter i,⁴ an unaupawl hnenah an rundamnak ih aamkhanak ih cahnak cu pitling vivo in a um.⁵ An ṭongkam suak ih thuthangtha an dinpinak pawl in thom an si.⁶ Thutak dotu ih ka cu an cip ter i, Pathian an sunloih⁷. Hnatuan ṭhapawl ṭuandingin Krih sungah a hnauantupawl tla cu sersiam an si, cun, catuan nun tiang ih a hruaitheitu thianhlimnak rahsuahpawl tla an nei.⁹

3 James 2:18–22. **4** Sam 116:12–13.

5 1 Zawn 2:3–5; 2 Pet 1:5–11. **6** Matt. 5:16.

7 1 Tim 6:1;1 Pet. 2:15; Filip 1:11.

8 Efisi 2:10. **9** Rom 6:22.

3. Thiltha an tuahtheinak pawl hi anmahpawl ihsin poksuk asi lo, Krih ih rasuak mi asi.¹⁰ Asinan hi zangfahnak pawl tlun ah, Ahnen ih an hmuh: mi ahmaisabik thu cu, duhhichernak le Amah lawm theitu hna ṭuan theinak ah Amai nunneh vivonak pawl an ṭul asi.¹¹ Cuti kan ti tikah ahleice ih nunnehnak tello te'n an tuan dingmi dawngdah zet cingin an nun a pitling thei kan tinak asi lamlam lo. Cuhnakin, an sungih um Pathian zangfahnak ih cangvaihnak sungah taima zet in an coktho awk a ṭul zet.¹²

10 Zawn 15:4-5. **11** 2Kor. 3:5;

12 Filip 2:12; Heb 6:11:12; 1s.64:7.

4. Pathian thu awi ding ih nunpe awpawl khal, zumtu, sangbik ah thleng in nung khal haischla, Pathian ih dilmileng ih hnaṭuan pawl an tuah thei cuanglo. Tamzet ah tlaksannak an nei hrih i, ṭuanding ti a timi khal a ṭuan famkim thei cuanglo.¹³

13 Job 9:2-3; Gal 5:17; Luke 17:10.

5. Kan ṭuanthat bik mi hman in Pathian kutsung um ih pek mi catuan nunnak le sual ngaidam theinak kan tuah theilo, ziangahtile cui hnaṭuanpawl tla cu A sunlawinak hrangih santlaklo mi hnaṭuan an si. Kan sual leiba thuthon pehpar in kan ṭuanthatnak in Pathian lung kan kimter thei lamlam lo.¹⁴ Tuantha bik kan timi khal hi kan ṭuanvo kan ṭuan fangfang asi men, a sal santlailo kan si thotho. Kanmah pawl ih kan man ringring ding micu, zumtu ih kan ṭuanthat mi i piangin Thlarau Thienghlim ihsin rasuak asi.¹⁵ Asinan kanmahte kan ṭuanthat mi cu thulolak men an si i, Pathian daanpawl ih a ngen mi pawl hawsak ding cun a zatla ringring

i, famkim lo zet le derthawm zet in a um.¹⁶ Pathian ih thuthennak nasa zet cu an ruat banlo.

14 Rom 3:20; Efisi 2:8-9; Rom. 4:6.

15 Gal 5:22-23. **16** 1s 64:6; Sam 143:2.

6. Sihmansehla, zumtupawl ih sinak pawl tla cu Krih ih zarah Pathian in a pomhai, an hnaṭuannakpawl cu Krih ah pomlut thluh an si.¹⁷ Zumtupawl tla cu anmai dinhmun in zoh nawnloin, Krih sung ih hmuh an siruangah Pathian lam ahcun sawiselding le sualmawhnak umlo in a hmuthlang, famkimlonak le cahlonak tampi thon kop aw hman-sehla, anmah pom ding le laksawng pe dingin a lung ahmu zet.¹⁸

17 Efisi 1:6; 1Pet.2:5. **18** Matt. 25: 21-23; Heb. 6:10.

7. Piangtharlo ih hnaṭuan suak mipawl cu, Pathian ih fialvek in ṭuan thluh in hmanzet mivekin lang khalhai sehla, cun mihrang khal ah thahnem zet khal haisehla,¹⁹ a hnuai ih thupawl sual ih hnaṭuan-nak pawl ah an ta -ng ringring asi. Rinnak taktaikh thinlung tifai mi ah hram an bun lo,²⁰ Bible ih ngan mi vekin an tuah dahlo,²¹ an felnak pawl cu Pathian sunlawinak ding hrangah a cem.lo i a hruailo.²² Curuangah annih cu misual an silai, Pathian an ti lungawi theilo, Pathian hnen ih zangfahnak khal hmuitlak an silo,²³ cun, cuvekih hnaṭuan thlauthla piangtharlo pawl hrang ahcun an sual a sah deuhdeu i, Pathian ih lung an awi ter thei dah lo.²⁴

19 2Sg. 10:30; 1Sg. 21:27-29. **20** Gen 4:5; Heb 11:4-6.

21 1Kor 13:1. **22** Matt. 6:2-5.

23 Amos 5:21-22; Rom 9:16; Tit. 3:5.

24 Job 21:14-15; Matt. 25:41-43.



17. MITHIANGHIMPawl IH NUN CATLO

1. Mi thianghimpawl cu A fapa duh zet Krih sungih A pom mipawl an si, cun Ama'i thlarau ih san umzet ih kawh le thianhlimter mi ansi. A mihril mipawl hmuahmuah thon a pehtlai micu a sunglawi zet mi rinnak A pek hai. Cucu zangfahnak dinhmun in a pumpaluk in siseh, a nettiang in siseh a tlusawn thei dah lomi asi, curuangah hrilmipawl cu fiangfel zet in acemnetnak tiang catuan thleng in rundam an si ding, ziangahtile Pathian kawhnak le a laksawngpawl cu ziangtikcan khal ih a thlengaw dah lomi asi. Anih cun rinnak ah a sersiam ding ih a cawmpeh vivo ding, rinnak lawng silo in rimhnak, duhdawtnak, lungawinak, ruahsannak le thlarau ih zangfahnak hmuah hmuah cun taksa siattheilonak hmun ah a hruai vivo ding.¹

Thlitu le tisuar tamzet in nuai ciameko khal haisehla, hnget zet ih an dinhmun rinnak lungpi parah cun an hrambun mi a sawn thei dah lo ding. Setan thlemlnakpawl cun Pathian duhdawtnak ih eng ih thlangamnak le hmuuhtheih ih um mi an tikcu tiang longthluh in rinhleclhnak tiang nei dingin zuam khal sehla, a thleng aw dahlo mi an Pathian cu a hmun

ringring i,² leimi an sinak lungawi nomnak an thlen lai hlanlo A huham cahnak in a rundam haiding i; A humhim hai ding asi. Ziangahtile, annihpawl cu Pathian zaphak parih umhmun khuar an si ih tlun ah catuan ihsin an hminpawl cu nunnak cabu sungih rak ngan thluh zo mi an si.³

1 Zawn 10:28–29; Filip 1:6; 2Tim 2:19; 1Zawn 2:19.

2 Sam 89:31–32; 1Kor 11:32.3 Mala 3:6.

2. Mithianghlim pawl ih nuncat dah lo cu anmah ah a hngat awlo, cucu an duhhrilnak par ah a sisawn. Cucu hrilsuahnak ih thusuak ih a thleng aw dahlo mi zia parah a thum aw,⁴ cui zia cu a thleng aw dah lomi Pa Pathian ih duhdawtnak le zaleennak ihsin ra irhsuak mi asi.⁵ A ṭangkai zetmi A ngilneihnakpawl ih pumkhat sinak,⁶ A Pathian sinak ih tel tlangnak a nei mipawl le netabik ah,⁷ zangfahnak thuthlung daanpawl ah a thum aw asi.⁸

4 Rom 8:30; 9:11–16. 5 Rom 5:9–10; Zawn 14:19.

6 Heb 6:17–18. 7 1Zawn 3:9. 8 Jer. 32:40.

3. Setan le khawvel ih thlemlnak ruangah mithianghimpawl cu riahse zet mi sual ah an tluril theu, ziangahtile nitin sualnak lakah an nunglai ih cui sual cun a neh theu ruangah siseh, Pathian ih tlun ding a timipawl le atisan mi an thlahthlam ruangah siseh an lu theu. Qin a caan caan ah cutin an tlu vivo thei men,⁹ Cutik ah Pathian ih lungawilonak kha anmah ah ben aw in Thlarau Thianghlim an ti riahsia ter,¹⁰ an hngngamnak a cem deuhdeuh i, an parih zangfahnakpawl khal hliamhma pu veikin an um.¹¹ An thinlung cu a hak deudeuh i, an ruahnak khal hliamhma an tuar,¹²

midangpawl tiang in an sual theu. Curuangah anparah lei thuthennak an tong.¹³

Asinan mithianghlimpawl cu an sualrimhnak in an thazang ti tharsaal an si dingi, an rinnak ruangin a cemnet tiang Krih Zisuh sungah kilhim an si ding.¹⁴

9 Matt 26:70-74. **10** Is 64:5-9; Efisi 4:30.

11 Sam 51:10-12. **12** Sam 32:3-4.

13 2 Sam 12:14.

14 Luke 22:32 & 61-62.



18. RUNDAMNAK LE ZANGFAHNAKHNGEHZIA

1. Camkhat tesung zumtu si awtertu le piangtharlopawl cun anmai ruah dan diklo le zumhmang men in le sualzet in bum aw awin Pathian mithmai hmu le rundamnak dinhmun ah um in an neih aw thei men. Asi nan hi ruahsannak cu siatral mi le a diklo lawlaw mi thil asi.¹ Asinan BawiZisuh zumtu taktak le duh taktak pawlcun Pathian duhnak vek rorin ziangkim ah ruahnak tha le nundik zet ih nungthei ding in an zuam aw asi. Cupawl cu zangfahnak dinhmun ah an um i, an nun khal a felfai zet.² Cuangpawl cu Pathian sunlawinak ih ruahsannak ah lungawi te'n an um i, cuvek ruahsannak cun ningzahnak ah a thlen dah lo ding ti a fiang.³

1 Job 8:13* 14; Matt 7:22-23.

2 1Zawn 2:3;3:14-24;5:13. **3** Rom 5:2-5.

2. Pathian minungpawl ih lungawi nak a simi rundamnak hnget cu milai tuaktonak le a cang thei men ding ti ih a palh thei mi ruahsannak parah a hngat awlo. Hmansehla a sual theilomi runnak hnget cu thuthangtha sungih langzo mi.⁴ Krih thisen le A felnak parlawngah a hngat aw.⁵ Hihi Thlarau Thianghlim ih zangfahnakpawl ih sun glam thilcang mi ihsin rasuak mi asi.⁶ Ziangahtile zangfah mipawl hnen ahcun A thu tiam a sim cia hai.

Cule fasiternak thlarau vekin Thlarau Thianghlim ih phuansuak mi parah a ɻhum aw.⁷ Cun kannih Pathian i fahniangpawl ih kan thlarau cu Ama'i dinpinak thon in dinpi ve. Cui dinpinak cu kan thinlung kaihreng in taangdawrnak le thianghlim te'i kan umthei nak dingah in humhim tu a si.⁸

4 Heb 6:11 & 19.5 Heb 6:17-18. **6** 2 Pet. 1:4,11.

7 Rom 8:15-16. **8** 1Zawn 3:1-3.

3. A tlu theilomi rundamnak hnget cu rundam sinak dingah a ɻul mi silo in zumtu taktak ih caan ziangmawzat sung ih anun sunzom ih nuncat lo te'i zuam ṭenɔ ih a nunnak asi. Hi thu cu vanhmun thlen hlan ih harsatnak tampi thon a tal reronak nun asi.⁹ Hi hi a um dah kello mi phundang zet i a lang mikhal asi lo. Zumtu cun zangfahnak ih tisan a hmangthiam le thlarau ih theihternak a thei ah cun Pathian hnen ih zaleennak khal a hmu ding. Cuticun rundam hngetkhoh zet dinhmun ah athleng ding.¹⁰ Curuangah hi thil cu, mi zokhal in atuah ding cu acang theibik topin teima zetin kawh le hril a si nak cu thei in felte'n a tuah ding asi.¹¹ Himi tuahnak in Thlarau Thianghlim ah lungawinak le daihnak tumzet a hmu ding. Pathian hnen ah lungawinak le duhdawtnak nun an nei sinsin ding. Cun a cak deuhceuh ding i ɻuanvo nehnak thulunnak thon nunphal aw zet in a um. Hi thupawl hi rundamnak hngetkhohnak ihsin racang mihlir asi. Cucu a hngetkhoh tukruangah milai nunhlo dingin lampeng ah a hruai dah lo.¹²

9 Is 50:10; Sam 88:77:1-12;

10 1Zawn 4:13; Heb 6:11-12.

11 Rom 5:1-5 14:17; Sam 110:32.

12 Rom 6:1-2; Tit. 2:11-14.

4. Zumtu dikpawl cun an rundamnak hngetkhoh zet an nunpi daan ah acang le tam, acaancaan le mal “tum le kai” nei in a um.¹³ Thimnak ah, an thinlung na tertu sual an tuahle an thlarau riah an se ter.¹⁴ Cun, cui rundamnak kilhim lo'n daithlang zetih an um caan ah,¹⁵ lole anparih thlemnak nasa zet a thlen tikah Pathian cun a mithmai tleu an par ih thlemnak nasa zet a thlen tikah Pathian cun a mithmai tleu thup in thimnak in a thom ter i, Ahmin ɻihzah tupawl hnen ahcun zir ding thu tla a pek ɻheu.¹⁶ Cuitlun ah ziangkim pumpelh theih lo ih thilcang mi parah Pathian hnen ihsin rasuak mi sinakthar,¹⁷ rinnak nun, Krih duhdawtnak le unaupawl thinlung tluangtlam le ɻuanvo theih nak lungpawl ah Thlarau Thianghlim cun an sungah hna a ɻuan.¹⁸ A tikcu te ah an rundamnak aamkham asinak cun an nun a ɻhangphok saal.¹⁹ Cui tum lala ahcun Tharan Thianglim cun an nun rah vivo in a cem nettiang a kilhim hai.²⁰

13 Hla 5:2-6. **14** Sam 51:8-14.

15 Sam 116:11; 77:7-8; 31:22.

16 Sam 30:7. **17** 1Zawn 3:9.

18 Luke 22:32. **19** Sam 42:5-11; 20 Tah 3:26-31.



19. PATHIAN DAAN

1. Pathian cun Adam thinlung sungah daan pe in a ngan i, mikip ih thlun thluh dingin a dil; cuijak ah sia le tha thleidan theinak thingrah eilo dingin thu apek.¹ Curuangah Adam le a cithlahpawl cun an bulpak cio in kimte'n a daan cekci vekin cemneilo ih thlun vi vo dingah daan sungah a ret hai.² Pathian cun an thlun famkim le nunnak pek dingin a tiam i, Adam in daan azom thei ahcun huham le thilitheinak a nei ding i, daan apahbal a sile thiinhak a ton ding thu asim.³

¹ Gen 1:27; Thusim 7:29. ² Rom 10:5. ³ Gal 3:10-12.

2. Adam cu sual ih a tluk hnu khal ah ahmaisbik ih daan thocho cu a thinlung sungah ngan asi.⁴ Cucu felnak ih daan famkim siding ah, Cun Pathian in Sinai tlangpar ah cui daan cu a pek i, lung pher pahnih parah thukham pahra cu a ngan. Hmaisa deuh daan pali cu Pathian hnen ih kan tuah ding mi thukham an si i, neta paruk cu milai hnen ih kan tuah dingmi thuthlungpawl an si. Hi thukham pahra pawl cu milai thinlung hrangih daan tiah kawh si.⁵

⁴ Rom 2:14-15. ⁵ Deut 10:4.

3. Hi thuthlung daan ahhin, Pathian cun Israelpawl hnen ah a ra um lai dingmi thuthlampawl le raithwinak

daanpawl a pek. Atlangpi thu in thenhnih ah an then: Pakhatnak ahcun Krih simkhawl mi thlaam pawl asimi biakkhawmnak daan, zangfahnakpawl, tuahnakpawl, le kan hrang ih thluasuh a hawlnakpawl an si.⁶ Adang pakhat cu thinlung ih tuah ding daan a phunphun zirhnak asi.⁷ Pathian ih a pekvek in thlun le zomding mipawl cu raithawinak daanpawl an si, asinan daan petu umsun Messiah taktak Zisuh Krih in Thukam thar caantiang ih a nuai hlo hlan tiang cu cui daan hman asi. Ziangaatile, cui daan cu Pa in bikhiah nei in a pek mi daan asi. Pa cun a lakir ding ih A siat saal thluh ding.⁸

⁶ Heb 10:1; Kaw 2:17. ⁷ 1Kor 5:7.

⁸ Kaw 2:14-17; Efisi 2:14-16.

4. Pathian cun Israelpawl hnamkhat ih an taan sung hmuahmuah cu hlanlai ah thuhennak daanpawl a rak pekta. An hrangah hmantlak mi pawl cu an lak i, leilung daandik dinhmun in a lang. Sikhalsehla, cuangpawl cu Mawsi daan ih an hmuah ruangah silo in, upat tihzah tlak le a thleng aw dualdo lomi daan a si.⁹

⁹ 1Kor 9:8-9.

5. Thinlung daan thlunnak cu mifel ih ruat mipawl le midang dang hnen ah temtawn in a taang ringring. Cunah cun nitin tuah mi daan tlangpi cu cawiso in a um. Sersiamtu le thoktu Pathian ih thuneihnak khal hlirso asi.¹⁰ Krih cun Thuthangtha sungah thuawinak hrang ih thutulpawl a siatmi pakhat hman a umlo.¹¹ Cusapbei ah, thinlung ih tuahding pawl a poimawh zia nasa zet in a uar.¹²

¹⁰ Rom 13:8-10; Jas 2:8-12. ¹¹ Jas 2:10-11.

¹² Matt 5:17-19; Rom 3:31.

6. Curuangah, daan cu juannak thuthlung a sivekin thiamcoter mi le hnon mi hnuai ah asi ti a fiangnan zumtu dik hrangah ulh dingin a ngen lo.¹³ Tongdang cun, cuangpawl hrang ah a thathnem zet vekin midang hrang khal ah a tha zetve. Ziangahtile, nunnak daan asi vekin Pathian duhnak cu ziangvek asi ti a theihter flunah an ṭuan ding mi tiang a zirh. Cui sungih tlangleng ding khalin a zirh.

Cui daan cun a hruai i, thu lung dingin a temtawn hai. Cucun milai sinak cu borhhlawh zet asizia a sim i, an nunnak le thinlung tiangin, curuangah daan ah zohhliah aw in sualhuk zet ihsin zumtlak rorin an tangdawr ding. Tiduh san cu misual cun Krih antul tinak asi.¹⁴ Dan cun sual tuahlo dingin a kham vekin pianthar cun sualah pursawn lo dingin sual a do ding i daan sungah amah le amah a hmu awsuaktu a si ding. Cui tlun ah daan ih thihihaihnak pawlcun cemter theilo mi daan khauh zet le camsiatnak ihsin sansuak zomi piangtharpawl cu an nunsung ih sual an tuah ruangah ziangvek harsatnak le an sualnakpawl cun ziang an tong ding tipawl mannei zetin a hmuuh hai.

Cuvek thiamthiam in, thutiam mipawl cun daanpawl a kopcih ve ih, Pathian thulunnak ih lungkimpinak thu muril le daan ti famkimnak ihsin a luangsuk mi thlawsuahnak pawl ta cu hmuuh ansi. Asinan juannak thuthlung tidaan vekin daan thiltinak ruangin thutiamnak sungah thluusuahnak a pung luihlo cuanglo. Milai cun thiltha tuah le thiltha lolak in a hrial aw, ziangahtile daan cun sual ihsin kham aw ding le thiltha tuah ding ah a forh, daanthlunnak men cun daan


hnuaih a um nawn lo ih zangfahnak hnuai ah a umsawn titheih asi lo.¹⁵

13 Rom 6:14; Gal 2:16; Rom 8:1; 10:4.

14 Rom 3:20; 7:7, etc. 15 Rom 6:12-14; 1Pet 3:8-13.

7. Tarlang mi hmaisa ahkhan Pathian daan cu zangfahnak thuthangtha thon a kalh awlo, asinan rem awzet in an umtlang.¹⁶ Ziangahtile Krih ih thlarau cun milai duhnak a neh i, zaleen zet ih tuah dingin Pathian duhnak thon milaw le siang aw zetin daan ih a umvek in tuah dingah a ngen hai.¹⁷

16 Gal 3:21. 17 Ezek 36:27.



20. THUTHANGTHA LE A ZANGFAHNAK KAUHZIA

1. Tuahnak thuthlungs pawl cu milai sualnak in a siatbal thehzo i, cui tuahnak cun nunnak zianghman pek theimi a neilo. A zangfahnak sungih A tiakam mi nunau cithlah Krih ahcun Pathian a lungawi. Cui tiakam mi cun A hril mipawl a kosuak ding i, an thinlung sungah rinnak le sualrimhnak a pe ding.¹ Hi tiakam mi sungah Thuthangtha ih a thupi zet mi thil lungthlengnak hrang ih hmualnei zet ih kawhnak san le misual rundamnak a rung langzo.²

1 Gen 3:15. 2 Thup 13:8.

2. Hi Krih ih tiakam mi le Amah ruangih rundamnak cu Pathian thulawng in minung hnen ah a langsua.³ Sersiam mipawl ih hnāuannak in siseh, pek mi thili in siseh, pianpi thil in siseh, zatlang thil le thil thup mi khal in siseh, Krih le a zangfahnak cu a lang mi asi lo.⁴ Asinan Thuthangtha ih tiakam ruangah Krih ih langnak a tlasam mi minung hnen ah sannei zet in a lang i, cucu rundamnak hrangih rinnak le sualrimhnak an thlen hlan ih thillang mi asi.⁵

3 Rom 1:17. 4 Rom 10:14–17.

5 Thuf 29:18; Isa 25:7;60:2–3


3. Thuthangtha langnak cu hnampawl le mi ziangmawzat misualpawl hnen ah tiakam mile thlun dingmi pawl thon a langkhawm thluh. Cu cu Pathian lomzawng le A sangbik mi duhnak vekin hmunkip le caan dangdang ah langsua dingin tuah asi.⁶ Theih ding ih tuahmi Thuthangtha ih tiakam mipawl cu senpipawl ih tuah theinak le thil poimawh zet ihsin tuah mi a silo, milai ṭhansonak le tuah theinak in zianghman a timi a umlo.⁷ Curuangah san hmuahmuah ih phuan mi Thuthangtha cu a kauh khal le a bitzet khal le, Pathian ih duh nak le A fimmak hmuahmuah vekin tah theih lo le ropi zet in hnampawl le miphun hnen ah pek asi.

6 Sam 147:20; Att. 16:7. 7 Rom 1:18–32,

4. Thuthangtha cu a langpang ih Krih langsua knak le zangfahnak ruang in rundamnak thu tihman nungla, cun a famkim thluh, a baksam mi ziangkhal a um lo ti khal sehla, sual ih tlu le thi mi le daan pahbal mi cu nunnak a hmuh theinak ding ahcun a pianthar a ṭul hrim hrim, asilole ti nunsaal a ṭul. Cumi ah minung taksa ṭhenpawl ah a el ih el theih lomi Thilarau Thianghlim ih kawhnak le hnāuannak hmaisa ah a ṭul. Cutawk ahcun Thianghlim ih kawhnak le hnāuannak hmaisa ah a ṭul. Cutawk ahcun minung ih thilarau nunnak thar a suak,⁸ hi mi telo thildang hrimhrim cun Pathian hnen ih lungthlengnak a suah theitu zianghman a um lo.⁹

8 Sam 110:3; 1Kor 2:14; Eph. 1:19–20.

9 Zawn 6:44; 2 Kor 4:4–6.



21. KRISTIAN ZALEENNAK LE THINLUNG ZALEENNAK

1. Krih cun zumtu hmuahmuah a rak leinak kha Thuthangtha sungah zaleen zetin a rak phumlut aw. Cucu sual diklonak ihsin suahnak sungah a tel i, Pathian thinhengnak ihsin siseh, a nasazet mi Pathian daan camsiatnak ihsin siseh, diklonak ih telmi hnnonnak ihsin siseh, rak suah kan si.¹ Hi a ṭhalo mi leilung ihsin siseh,² Setan ih thawngthlaknak tinkim lak ihsin siseh,³ sual ih uknak ihsin siseh,⁴ harsatnakpawl ih tinatnakpawl ihsin siseh,⁵ ṭihnungzet mi thihnak tur ihsin siseh,⁶ thlan ih nehnak ihsin siseh,⁷ catuan siatral nak ihsin siseh sansuak kan si.

Hi zaleennak cu Pathian biaktheinak khal hmu as i, Ama'i thulunnak ih pekawknak khal kan hmu, sikhalsehla salpa in a pu kha pawngpa tih ih a tih vekin siloin,⁸ naute vekin duhdawtnak thianghlim te thon a tih vekin asi.⁹

Hi zaleenak hi Thuthlung hlun sanlai khal ah zumtu taktak pawl cun thluasuahnak ziangmawzat thon an rak tonghmu dah,¹⁰ sihmansehla Thuthlungthar zumtupawl hrangah cun hizaleennak cu kauh ter sinsin asi, ziangatile Judahpawl ih tuah dingmi nitin tlang daan (senpi) daan an phurh mi kawn ihsin an suakngah. Thuthlungthar zumtupawl cun a tum sawn mi zangfahnak tohkham naih theinak ralthatnak nasa sawn an nei i; daan

hnuai ih nung zumtupawl hnakin Pathian ih thlarau zaleennak neiin Pathian thon tamsawn pawlkhwam awknak an neithei sawn.¹¹

1 Gal 3:13. 2 Gal 1:4. 3 Att. 26:18. 4 Rom 8:3.

5 Rom 8:28. 6 1Kor 15:54-57. 7 1Thess 1:10.

8 Rom 8:15. 9 Luke 1:73-75; 1Zawn 4:18.

10 Gal. 3:9-14. 11 Zawn 7:38-39; Heb 10:19-21.

2. Pathian lawng hi thinlung Lal asi,¹² A thu asilole A thusungih um dokalh zawng ih milai ngen mi le thurinpawl le tuahdingih ṭuanvo pek mi hmuahmuah lak ihsin Amah cu adangte'n (a hran in) a um.¹³ Curuangah cuvek thurin zumding le thinlung hrangih thupekpawl zawn ding cun Pathian cu thinlung zaleennak a nei lawlaw.¹⁴ Tawngpa zumnak le ziangkhawsawn lo meimeい senpi zumnak nei dingih dilngennak cun ruahnak hmuahmuah a dodal tlunah thinlung ih zaleennak a siat bal thluh sawn.¹⁵

12 Jas 4:12; Rom 14:4.

13 Att. 4:19; 5:29; 1Kor 7:23; Matt 15:9.

14 Kaw 2:20-23. 15 1Kor 3:5; 2Kor 1:24.

3. Kristian zaleennak a nuam zawngih zumter i, ziangvek sual khal tuah hluahhlo mai, thatlonak sual ih kaihhrennak ruangih cakhiaр tuahnak cun zangfahnak thuthangtha ih tumtabik mi thil a merkawi thei ih an siatnak tiang a thlen.¹⁶ Cupawl cun Kristian zaleennak ih tum mi an siatsuah thluh. Ziangatile kan nunsung hmuahmuah hi Pathian hmai ah dingfelnak, thianhlimnak le ṭihnak in Amah an rianpang ding tihi kan rak luatsuaknak kan ralpawl in an phang tuk lawmam.¹⁷

16 Rom 6:1-2. 17 Gal 5:13; 2Pet 2:18-21.



22. BAWIPA'I NI LE BIAKKHAWMNAK

1. Semkeh thil umpawl cun ziangkim tlun ih thuneitu le uktu Pathian pakhat a um ti a hmuh. Amah cu miṭha a si i, cun mitinkim hnen khal ah thilṭha hlir tuahtu asi. Curuangah Amah cu tih diang, duhdawt ding, thangthat ding, amah rinsan ih hlam ding, remh ding asi; thinlung zate'n, nunnak zate'n le cahnak zate'n thon cupawl cu tiding asi.¹ Asinan Amah cun Pathian biakdaan dik pomtlak lamzin a timi a tuah,² curuangah Amah kan biakding daan cu Amah rori in A duh daan langter in bikhiah nei in arak tuah cia. Amah cu milai ih tha ti daan le ruahnak men ih biak ding asilo, cun Setan ih ruahnak peknak vek khalin biak ding asilo. Alang theimi zuklem, thlam le tuahcop mi ruangaam vekpawl ih aiawhsaknak khal in biak ding silo in Ca thianghlim ih ngan mi lamzin vekih biak ding asi.³

1 Jer 10:7; Mark 12:33. 2 Deut 12:32. 3 Exo20:4-6.

2. Biak timi cu Pa Pathian, Fapa, le Thlarau Thianghlim Pathian hnen lawngah pek ding asi,⁴ a sinan sersiam mi minung asilole mithiang hlimpawl le vanmipawl biak ding a silo.⁵ Milai tluksiat veten biak timi cun remnak

palai tel lo cun thilcang theimi asilo.⁶ Sihmansehla Krih siarlorzodang hman remnak palai an um lo asi.⁷
 3. Lungawi thusimnak thon thlacam hi milai in Pathian a biaknakpawl sungih biakdaan pakhat asi i, cucu Pathian in mitinkim hnen ih tuah dingih a ngen mi asi.⁸ Asinan cui biaknak cu fapa hmin in santlak ih tuah ding asi,⁹ cucu Thlarau Thinghlim ih bomnak le,¹⁰ Amai duhnak ih tuah ding asi.¹¹ Cucu tihzahnak, tangdawrnak, phurzet le pehtluan in le rinnak thon zom awin, duhdawtnak le theifiang zet ih tuah tengteng ding asi. Hmunkhat ih thlacam khawm tikah theihfel fai mi tōngin tuah ding asi.¹²

4 Matt 4:9-10; Zaawn 4:23; Matt 28:19.

5 Rom 1:25; Kaw 2:18; Thup 19:10.

6 Zaan 14:6. 7 1Tim 2:5. 8 Sam 95:1-7, 65:2.

9 Zawn 14:13-14. 10 Rom 8:26.

11 1Zawn 5:14. 12 1Kor. 14:16-17.

4. Thlacamnak cu famkim zet ih tuahding asi, cun tui nunfgdam mi hmuahmuah le a suakhrihlo pawl hrang tiangih tuah ding asi,¹³ asinan mithipawl hrangah thlacam ding asilo,¹⁴ cun thihnak ih hruai rero lai mi sualtuan tupawl hrang khalah tuah ding asilo.¹⁵

13 1Tim 2:1-2; 2Sam 7:29. 14 2Sam 12:21-23.

15 1Zn 5:16.

5. Cathianghlim pawl siarnak,¹⁶ thusimnak le Pathian thungainak,¹⁷ zirhnak le Samhla in siseh, thangthatnak hla in siseh, thlarau hla pawl in siseh, kan Bawipa sungah thinlung muril thon pakhat le khat ralrinnak pe aw ton uh;¹⁸ cun cuvek thotho in Baptisma laknak le¹⁹ Bawipa Zanriah hilkhawmnak ah siseh²⁰ telnak pawl hi

Pathian biak an si. Hi thupawl hi Amai thuawinak in tuah thluh ding asi. Cu pawl tuah tikah theihfengnak, rinnak le Pathian t̄ihzahnak thon asi ding. Cun thianghlim le upat zetnak thon phahniam zet in siseh, rawl ulhnak in siseh,²¹ cun lungawi thusimnakpawl thon tuah ding asi.²²

16 1Tim 4:13. **17** 2Tim 4:2; Luke 8:18.

18 Kaw 3:16; Efi 5:19. **19** Matt. 28:19-20.

20 1Kor 11:26. **21** Esth 4:16; Joel 2:12.

22 Exo 15:1*19; Sam 107.

6. Thuthangtha kaihhruinak ahhin thlacammak asilole sakhua dan ih Pathian biakdaan pawl dan ih kaihrenawknak le cui daan vekih kaihruai awknak maw thildang ih pomlut awknak maw a um lo. Asinan Pathian cu khuitawk hmun khalah, thlarau le thutak ih biakding asi,²³ mah le innsung sang ah siseh,²⁴ nitinte siseh,²⁵ pumpak cio in hmunthup te ah siseh,²⁶ thupi zetin misenpi pumkhawmnak ah siseh biakding asi.²⁷

23 Zn 4:21; Matt. 1:11;; Tim 2:8; **24** Att. 10:2.

25 Matt 6:11; Sam 55:17. **26** Heb 10:25, Att 2:42.

7. Thil um tudaan vekin, mihmuhmuah ih nunpi dingah Pathian in tuakto mi a nei i; A thu ihsin Pathian biaknak ding caan hi a zem hai. Ahleice in, ni sarif sungin nikhat cu Ama'i hrang ah thianghlim te'n serh dingti'n can a tuah.²⁸ Cui thu cu san tinkim ih mi hmuahmuah hnen ah a t̄ha theibik in, thinlungtak in, tlaitluan nunpi vivo dingin a tuah khawm. Leilung a umtir ihsin Bawipa'i thawhsalnak tiangin hi ni hi zarhkhhat ih ni netabik a si ih cucu Bawipa'i ni tiah kawh

asi.²⁹ Asinan Krih a thawsal vete'n zarhkhhat ih nihmaisabik ah a hung cang. Hihi colhni a sivekin leilung a cemtianggih hman thuan vivo ding asi. Ziangahtile, a nisarihnak cu nuaihlo a sizo ruangah.

28 Exo 20:8. **29** 1Kor 16:1-2; Att. 20:7; Thup 1:10.

8. Minungpawl cun colhni cu thiangte'n an serh, cucu hlanlai ih an khawvel nunnakpawl tibang thluh in an thinlungpawl remzet in an timtuah aw ih Bawipa'i thupek vek in Ama'i hrangah an hnaqüannak pawltla cawlthluh in cui ni cu thiangte'n an hmang. Culawng siloin an leitlun t̄uannak hmuahmuah le thu le hla, ruahnak tiangin an cawl thluh i, Pathian in a serthar saal.³⁰ Misenpi in siseh, bulpak in siseh Pathian be dingin an nun an hlan aw i, an pe aw cio ih, tuahtul mi le zangfah a ṭulzet mi pawl khal an zangfah vivo.³¹

30 1s 58:13; Neh 13: 15-22. **31.** Matt 12:1-13.



23. DAANVEK IH CAMCAWHNAK LE SIATTI INNAK

1.Daan vekih siatcamnak hi sakhua biaknak ih camsiatnak tuahtupawl ti daan tlangpi asi. An hmuh daan cun cui camcawhnak ah Pathian thutak felnak le diknak a um ti'n an ruat i, Pathian a ḥannak ah Pathian hminsal ih tuahnak asi.¹ Cunah cun a ṭongka vekin a dik khal le diklo khalle ka ṭongvek rori in kapar ah thleng ko seh ti ih camcawh awk asi.²

1 Exo 20:7; Deut 10:20; Jer 4:2. 2 2San 6:22-23.

2. Tihnak thiaghlim le upatnak ziangkim thon Pathian hmin ih siat camnak tuah hi daanfel asi, tha lo zet le pawngpa thil ih siatcamnak in sunglawi zet asilole hminsiatnak a thlen thei; cun thildang thu men ih siatcamawk sual le tenum thil asi.³ Pathian thu cun ritzet le alaangte thilthu ih siatcam tuah hi lungphum zet ih hnaquan ka nei ti a theih teri, cucu thutak ih a nemhnget tikah ka nun a cem khalle ka tuar ding ti duhnak a pe.⁴ Cuvek caan ahcun daandik parih thuneitu in tuah tengteng a tul a ti ahcun daanvek in tuah dingah siannak a pe.⁵

3 Matt 5:34-37; Jas 5:12. 4 Heb 6:16; 2Kor 1:23. 5 Neh 13:25.

3. Mitin le mi cio in Pathian thu ih a lungkimpi mi siatcamnak a tuah ahcun pelhlo te'i a tuahsuak thei dingin thazet ih ruat sak ding asi, apoilo timen lodingin tha zetin athu umdaan thupitter zet in, hi hi thutak asi thu menmen a silo tiah tuahsuak ding ih siatcamnakpawl cu Pathian thinthokter tu men ansi. Cuvekpawl ruangah ramtiam cu riahse zet mi ah acang.⁶

6 Lev 19:12; Jer 23:10.

4. Siatcamnak cu fiangfaizet le hman theu mi ṭongkam hmangin tuah ding asi i, lungphir asilole thinlung sungih thu hlah mi neilo in lak ding asi.⁷

7 Sam 24:4.

5. Siatcamnak cu sersiam mipawl hnen ih tuah hrimhrim lo ding, Pathian hnenlawng ih siatcam ding asi; cucu a tha theibik ih tuah suak le rinum zet ih tisuakdingin zuam ding asi.⁸ Sihmansehla, puithiam sangbik ih kumkhawdaih nun tivek ih siatcamnak,⁹ tlasam zet ih phuannak,¹⁰ thuawi ringringnak pawl cu Rom Kawhhran ih an tuah mi asi i. asangbik mi thianhlimnak, pawngpa thilti men le sualhang sungih awk thluh awknak an siruang ah Kristian zovek khal cuvek siatcamnak ih awk awlo dingin fimkhur ding.¹¹

8 Sam 76:11; Gen 28:20-22. 9 1Kor 7:2&9.

10 Efisi 4:28. 11 Matt 19:11.



24. RAM UKTU COZAH

1. Leilung ih lallak ih sangbik le Siangpahrang a sivek in, Pathian cun ram uktupawl Akut hnuai ah a din i, annihpawl cu Ahnen ih tlu lut ding ansi. Cun senpi thatnak le Ama'i sunlawinak dingah leilung mi bur tampi ih a um mipawl cu an uk ding. Cun Ama'i kut hnuai ih mi uktu ding an si. Hi tumtah miruangah thatnak a tuah tupawl tha peknak ah le ɣhatlonak a tuahtupawl cawhkuannak hrang ah; ram humhim awknak ding hrangah ralnam thiltitheinakpawl thon a thuam hai.¹

1.Rom 13:1-4.

2. Zumtupawl cun, ram uktupawl cu mizapipawl ih hnañuan dingmi pawl phursuak ding ih pom an sinak cu pomding timi cu daanvek asi. Cutivek ih kawh an sinak thu cu ram hna an ɣuannak le an rampawl neihmi daan dik thon remzet te'n diknak le daihnak thon ukding cu ral a tho tik ah dik le ɣul a sile raldonak thu an suah thei.³

2 2Sam 23:3; Sam 82:3-4; 3 Luke 3:14.

3. Ram uktupawl cu Pathian in a dinhti hmaisalam ih kan simfiangzo vekin daan vek ih thu an suahmi hmuahmuah kan awi thluh hrimhrim ding asi, ziangahtile

cucu Pathian thu kan awinak thuñen khat asi. Cucu cawhkuannak kan hrial theinak ding men ah silo in, kan thinlung zia ɣhatnak dingah asi.⁴ Thuneihtupawl le uktupawl hrangah thlacammak thon Pathian hnenah dilnak kan neihsañ atul, ziangahtile an uk nak hnuai ah dai le remte'i kan um thei le lungdiknak le Pathian ngaihsak zet ih kan umthei nak dingah asi.⁵

4 Rom 13:5-7; 1Pet 2:17. 5 1Tim 2:1-2.



1. Iañan auk uktupawl cu mizapipawl ih hnañuan dingmi pawl phursuak ding ih pom an sinak cu pomding timi cu daanvek asi. Cutivek ih kawh an sinak thu cu ram hna an ɣuannak le an rampawl neihmi daan dik thon remzet te'n diknak le daihnak thon ukding cu ral a tho tik ah dik le ɣul a sile raldonak thu an suah thei.³

2 2Sam 23:3; Sam 82:3-4; 3 Luke 3:14.

3. Ram uktupawl cu Pathian in a dinhti hmaisalam ih kan simfiangzo vekin daan vek ih thu an suahmi hmuahmuah kan awi thluh hrimhrim ding asi, ziangahtile

25. THITUMNAK

1. Thit umnak cu mipa le nunau lak ih thil ummi asi. Mipa in nunau pakhat hnak tamsawn nupi neih hi daandik asilo, cun nunau khal pasal pakat hnaktam neih cu daanthiang asilo. Cucu vei le khat asilole tumkhat ah tinak asi.¹

¹ Ge 2:24; Mal 2:15; Matt. 19:5-6.

2. Pathian cun ṭhitumnak cu mipa le nunau theithiam awzet ih bawm aw ton dingih a dinh mi asi, ziangahtile a daanvek ciah in minung pungzai dingle daanlo ih nunau le mipa sualnak umlo dingih khamnak a si.²

² Gen 1:28; 2:18; 1Kor 7:2,9.

3. Minung zovekkhal neihawk hi daanthiang asi.⁵ Neihawk hnu cun lungkim tlangnak ruahnak tha tla an pe aw thei veve asi. Sihmansehla Kristian cun ṭhitumnak cu Bawipa lawngah a tuah ding cu a tuanvo asi.⁶ Curuangah biaknak ngaihsak ngaingai le a rinnak phuangngam tu cun zumlotu le zuklem betupawl thon nei awding asilo. Cun Pathian ngaihsakmipawl cun an nunsung ih mithalo, Kristian zirhnak hnong ih a um mi phurh mi kawn bang awlo mipawl thon ṭhitumnak a tuah ding asilo.⁷

⁵ Heb 13:4; 1 Tim 4:3. ⁶ 1Kor 7:39. ⁷ Neh 13: 5-27.

4. Thitumnak cu thisen thon pehzomawk ruangah siseh, mah thon sung le khat siruang ah siseh tuah ding asilo, ziangahtile Pathian thu ih kham mi asi.⁸ Cun cithlah bang aw veve mi neihawk lawng aṭha tikhal milai daandik asilo. Cun kan nai aw ti men ih nei awpawl khal a dikcuanglo ruangah cuvekpawl cu lungkim zetin hmunkhat te ah nu le pa thazet an si dah loding.⁹

⁸ Lev. 18. ⁹ Mark 6:18; 1Kor 5:1.

Thitumnak cu thisen thon pehzomawk ruangah siseh, mah thon sung le khat siruang ah siseh tuah ding asilo, ziangahtile Pathian thu ih kham mi asi. Cun cithlah bang aw veve mi neihawk lawng aṭha tikhal milai daandik asilo. Cun kan nai aw ti men ih nei awpawl khal a dikcuanglo ruangah cuvekpawl cu lungkim zetin hmunkhat te ah nu le pa thazet an si dah loding.

Thitumnak cu thisen thon pehzomawk ruangah siseh, mah thon sung le khat siruang ah siseh tuah ding asilo, ziangahtile Pathian thu ih kham mi asi. Cun cithlah bang aw veve mi neihawk lawng aṭha tikhal milai daandik asilo. Cun kan nai aw ti men ih nei awpawl khal a dikcuanglo ruangah cuvekpawl cu lungkim zetin hmunkhat te ah nu le pa thazet an si dah loding.

Thitumnak cu thisen thon pehzomawk ruangah siseh, mah thon sung le khat siruang ah siseh tuah ding asilo, ziangahtile Pathian thu ih kham mi asi. Cun cithlah bang aw veve mi neihawk lawng aṭha tikhal milai daandik asilo. Cun kan nai aw ti men ih nei awpawl khal a dikcuanglo ruangah cuvekpawl cu lungkim zetin hmunkhat te ah nu le pa thazet an si dah loding.

26. KOHHRAN

1. Zatlang asilole Leitlun pumpi Kohhran cu Thlarau Thianghlim le zangfahnak thutak ih sunglam hnatuannak a dawngtu a si ruangah hmuuhtheihlo mi tiah an ko. Cuisung ahcun hrilzo mi zate sung ihsin rundanzo, rundamlai le rundam lai dingmipawl: Kohhran lu asi mi Krih kuthnuai ih um pumkhat ti ih a pungkhawm aw mi sungah an tel thluh. Hi senpi Kohhran cu a nupi, a taksa, Ama'i famkimnak asi i, cunah cun Krih cu ziangkim ah ziangkim asi.¹

1 Heb 12:23; Kaw 1:18; Efisi 1:10& 22-23;5:23-32.

2. Thuthangtha ih rinnak le Krih thuawitu pawl ti ih kawh mi lei pumuap ih zumtu hmuahhmuah, an rinnak Thuthangtha ih thutlangpi pawl thon dokalh aw lomi le suallo mi le siatsuah lomi, cun ziaza thianghlimlo ih umlo mipawl cu hmuuhtheihmi mithianghlimpawl tiah ruat an si.² Cuangpawl cu tualsung Kohhran pakhat ih umkhawm dingin thuthlunnak tuah ding an si.³

2 1Kor 1:2; Att. 11:26. 3 Rom 1:7; Efisi 1:20-20.

3. Vanhnuai ih Kohhran thiangbik cu harsatnak le thilsual cokrawi in a tuartheu ruangah⁴ hrekhat tla cu zordeuh deuh in Krih ih kohhran khal ah an um nawnlo,

sihmansehla Setan ih biak inn ah an cang.⁵ Cuti asinan, Krih cun hi leilung ahhin Amah a zumtu le A hmin hlam tupawl A vancung uknak cu a nei ringring i, cui A vancung lalnak cu san cemtiangin a nei vivo ding.⁶

4 1Kor 5; Thup 2&5. 5 Thup 18:2; 2Thess 2:11-12.

6 Matt 16:18; Sam 72:17; 102:28; Thup 12:17.

4. Bawipa Zisuh cu Kohhran ih lu asi. A pa'i hnaujan peknak vekin Kohhran kawhsuahnak, dinhsuahnak, thupeknak le uknak pawl hrangih thilul zetmi thuneihnak a pek i, Amah ahcun sangzet in hram a bun aw.⁷ Rom Kohhran ih Pope cu ziangti lamkhal in Kohhran ih lu a si theilo, cuhnak in Pope cu Krih dodaltu a si sawn. Amah le amah cu Pathian ngaingai vekin a ko aw ih Kohhran lakah hlirsang aw zet in Krih dodaltu siatnak fapa a silole sual ih milai ti ih kawh asi, asinan Krih a ratsal tik ah cupa cu a siatsuah thluh leh ding.⁸

7 Kol 1:18; Matt 28:18-20; Efisi 4:11-12.

8 2Thess 2:3-9.

5. Thuneihnak hmangsuak ding ahcun Bawipa Zisuh ah rinumzet in a hngat lawlaw, cun thutak rawngbawlnak le Ama'i thlarau hmangin Ama'i lamtang ih an nuntheinak dingih; Pa in Ahnen ih a aap mi pawl tla cu Leilung ihsin Ama'i hrangah a kosuak hai.⁹ Ca thiang sungih ngan vekin, Ama'i hmaiah thuawinak tinkim thon an tlaanlen theinak dingah asi.¹⁰ Curuangah a kawh mipawl cu mibur asilole Kohhran dinsuak i, thlarau ah thanglian, senpi hrangih biakkawm tuah, le hmunkhat ih umtlang thluh dingin thu a pek, cucu leipar ih umsung hmuahhmuah ih tuah dingin.¹¹

9 Zn 10:16; Zn 12:32. 10 Matt 28:20. 11 Matt 18:15-20.

6. Pathian kawhnak ruangah Kohhran sungetpawl cu mithianghlim an si, cuangpawl cun an nunzia in siseh, Krih an phuansuaknak in siseh, a kaphnih in hmuhtheih mi an zia langter le tarlang in an um, ziangahtile. Krih ih kawhnak an awi.¹² Krih ih zirhnak vekein pawlkhawm nak hmunkhat ah nei dingin an lungkim khawm, an nun cu Bawipa ah an pe aw cio i, Pathian duhdaan vekein khat le khat hlawm aw ton in, cun Thuthangtha in a ngan vekein ziangthu khal an pompi aw thluh.¹³

12 Rom 1:7; 1Kor 1:2.

13 Att. 2:41–42; 5:13–14, 2Kor 9:13.

7. Ama'i thusung ih langsua Pathian duhnak veckiah in, kohhran cio cu an pungkhawm aw theu, cun Bawipa cun an tuahserh dingpawl hnāuan a pek i, Pathian biakdaan le thiltitheinakpawl a pekhai. CunAnih cun cui thiltitheinak tuahtheinak le a ̄ulcaan ih hmang theidingin thusuahpawl le daanpawl a pek.¹⁴

14 Matt 18:17–18; Kor 5:4–5; 5:13; 2Kor 2:6–8.

8. Krih ih lungput vekein tualsung kohhran pawl cu a pungkhawm awter i, fuh zetin a pawl khawm awkter. Krih in hnāuan ding a pek vekein, hnāuantupawl cu hril ding an si i, kohhran in thianghlim te'n ko in a finkhawm ding, cun upa asilole elder le deacon (upa nau deuh) pawl khal a hril ding. Hleice deuh ih tuah dingmi cu Bawipa ih a nemhnget vekein serh le sang timi Baptisma le Bawipa zanriah sisch, kohhran member ukawknak a simi sunget laklut le dawinak pawl tla a tuah ding. Hi kohhhran umdaan le a fehdaan cu leilung a cemtiang ih tuah zom vivo ding asi.¹⁵

15 Att. 20:17&28; Phil. 1:1.

9. Krih ih hnāuan pekruangah, kohhran sung ih tuukhaltu a silole elder hnāuannak hrangah Thlarau Thianghlim ih laksawng pawl ̄ul ti ih pek mipawl le a tling mi zokhal cu hril in kohhran mepeknak in cui hna phursuak dingin a ko ding asi.¹⁶ Amah cu thlacam rawlulhnak thon thianghlim zet in a pek awk hrim hrim a ̄ul. Cun elder umsun pawl ih kutsuan thlacamnak thon tuah ding.¹⁷ Cuvek thotho in, deacon pawlkhal kohhran senpi mepeknak in hril ding asi i, thlacam kuthngatnak thon tuah thotho ding asi.¹⁸

16 Att.14:23. **17** 1Tim 4:14. **18** Att. 6:3–6.

10. Pastorapawl cu Krih ih kohhranpawl lak ih Kri ih rawng a bawlnak ah a thleng aw dah lomi lungpek taknak āul asi. Cuangpawl cu thlacamnak le thu ih rawngbawlnak ah hnāuan dingih a tiar ringring tu le Bawipa hnen ah siar aw ringringin minungpawl ih thlarau damnak a hawringring tu an si ding.¹⁹ Curuangah kohhran in a theitawk ih rawngbawl dingin a fial tik ah a caante lawngah ̄uan silo in, thlangam te'i nungthei dingin leitlun thilripawl tiangih mihlawnhei le²⁰ leitlun hnāuannak ih cawhbuai theihlo mi an si tlun ah,²¹ midang pawl hnen ah khualtha zet an si ding.²² Cuvek pawl cu kan minung um daan ih a dil mi asi ih tlun ah Krih ih thupek mi khal asi, cun a sim bet micu, Thuthangtha a simtupawl cu A thuthangtha lala in an nung ding asi tiah, thu a suah.²³

19 Att 6:4; Heb 13:17. **20** 1Tim 5:17–18; Gal 6:6–7.

21 2Tim. 3:2. **23.** 1Kor 9:6–14.

11. Kohhran pastor le elderpawl cu anmah le an hnāuan mi cio hi an ̄uanvo asi hman ah, thuthangtha simnak

ah cangvai vutvo in an um ringring ding, asinan cui an hnāuan cun an nun kharhkum thep thep vekin an ngai aw lo ding, ziangatile Thlarau Thianghlim in cui hna an t̄uan peh vivo theinak dingah laksawng an t̄ulmi a pe hai ding. Hi thu ahhin, cuangpawl vek cu kohhran in hnāuan dingih an lungkim in an ko ngaingai ahcun cui hna an t̄uan thei ding.²⁴

24 Att.11:19–21; 1Pet 4:10–11.

12. Zumtu hmuahmuah in ziangtik khal ah siseh, khui hmun khal ah siseh, caan an neihpiang in lo theilo in tualsung kohhran ah zom khawm aw thluh ding an si. Kohhran mithmai hmu i, pomlut mipawl cu an pawlkomawknak ih Krih ih daan thon rem awte'n kohhran uknak le nunsim awknak ah an pelut aw thluh verver ding.²⁵

25 1Thess 5:14; 2Thess 3:6&14–15.

13. Kawhhran sungtel zokhal in suntgeldang parah ze tha lo thon a sual tikah, cathiangsung ih zirhnak vekin Kohhran nunsimnak a thlun tu cu Kohhran daihnak a cawkbuaitu a silo ding i, kohhran khawnakpawl a daithlanh tu asi fawn lo ding. Kohhran ukawkdaan sung ah sungtel miharekkhat pawl serh le sang thukhal ah an suallo ding, Krih an hngak ding i; Kawhhran ah nun pevivo in an um ding.²⁶

26 Matt.18:15–17; Efisi 4:2–3.

14. Kohhran sungtel hmuahmuah cun Krih Kohhranpawl ih hmuingil le lamtluangnak hrangah catbanglo te'n thlacam peh vivo ding an si. Khuitawk ih an umkhal le tualsung kohhran pawl cun zumtu dangpawl bawm

ding an si.²⁷ An zangfah theitawk le an laksawag neih ciovekin anmah hmun le ram ah ko aw in t̄ang tlang ding an si. Curuangah, kohhran cun khat le khat pawlkomawknak neiding in hawl ding asi. Pathian in mah le ram cio a pekvekin cuvekpawl hlawknakle nunnomh nak hrangah can a hmang ding.²⁸

27 Efisi 6:18; Sam 122:6. **28** Rom 16:1–2; 3Zn 8–10.

15. Kohhran thurin le ukawknak ah harsatnak le thil phun dangdang a ra thleng tikah, cun daihnak, pumkhat sinak, thlarau lam pitlin nakpawl kohhran pakhat sung ah t̄ihnung tete a um le kohhran zate'n ngaiantuah ding asi. Ziangatile cuvek thu cun sungtel asilole sungtel pawl hriahhma a baih ding ih kohhran umdan le nunsim awknak ah lungruallonak pawl a ra hmasa thei. Cuvek thu ahcun, Krih ih lung put vekin kohhran tampi kha thurin pakhat pomtlang in anmah le palai cio in kohhran thuthon peh par ih thubuai-thuelawknak thupawl parah ruahnak an bur cio ding.²⁹

Sihmansehla, cui palaipawl hmunkhat ih an tokhawm tikah kohhran ih rinsan taktak mi an sithluh lo ti kha theih ringring ding. Curuangah cui palaipawl cun tualsung pakhat par ah siseh, sungtel pakhat par ah sisch dankulh mi nei in nunsimnak an nei theilo. Cun an hnāuantu pawl le kohhran pawl in thucat neiin mi bulpak par ah maw, asilole kohhranpawl parah tuah rero dingin thunciehnak an neilo.³⁰

30 Att.15:2–6; 22–25. **30** 2Kor 1:24; 1Zawn 4:1.



27. MITHIANGHLIMPAWL IH PAWLKOMAWKNAK

1. Mithianghlimpawl hmuahmuah cu an lu asimi Krih ah pumkhat an si ih cucu rinnak le Ama'i thlarau ruangah asi. Asinan hiti'i: kan ti mi cu amah thon mi pakhat ah an cang kan timi asilo. Ti duh micu A zangfahnak, A tuarnakpawl, A thihnak, A thawhsaalnak le A sunlawinak ah an pawlkom aw tinak asi.¹

Duhdawtnak ah pakhat le khat pumkhat an si vekin, pakhat le khat a zangfahnak pawl le a laksawngpawl ah nuamzet in pawlkomnak an nei.² Cun tuan dingmi hnuai ahcun cuvek rawngbawlnakpawl, senpi le bulpak hnen ah an sinak ah theihthiamawknak thatuk an nei i, cui theihthiamawknak cu thlarau le leitlun thilthu pawl khal ah asi.³

¹ Zn 1:3; Zn1:16; Filip 3:10; Rom 6:5–6.

² Efisi 4:15–16; 1Kor 12:7; 3:21–23.

³ 1Thess 5:11, 14; Rom. 1:12; 1Zn 3:17–18; Kal 6:10.

2. An rinnak an phuansuak vekin mithianghlimpawl cu a thianghlim mi pawlkomawknak le Pathian biaknak ih pawlkomawknak ah thate'n an finkhai aw i, a dang an tuah mi ahleice rawngbawlnakpawl anmah le mah thate'i

an theihfelawknak ih khaisan awknak asi.⁴ Pakhat le khat phurrit sawnton awknak ah an temtawn aw thluh i, leitlun thil thu ih an tulnak le an thiltitheinapawl ah an tulvek in an bawm aw.⁵ Thuthangtha ih daan vekin, hivek pawlkomawknak cu ahleice in innsang⁶ le Kohhran⁷ pawlkomnak ah atangkai i, mithianghlimpawl laicin awknak cu tikauh sinsin asi. Pathian in rinnak ih innsungsang ah caantha a pek vekin, hmuntin ih a um mi Bawipa Zisuh ih hmin hlamtu hmuahhmiuah hnen khal ah a pekve. Sihmansehla, cuvek thotho in mithianghlimpawl thil an hlawmkhawm awknak ah zokhal an sunglak lo ti theihthiam ding. Asinan mi bulpak ih an neih cio mi le an thil pawl parah an tisiat awlo.⁸

⁴ Heb 10:24–25; 3:12–13. ⁵ Att. 11:29*30.

⁶ Efisi 6:4. ⁷ 1Kor 12:14–27. ⁸ Att.5:4; Efisi 4:28.



28. BAPTISMA LE BAWIPA ZANRIAH

1. Baptisma le Bawipa zanriah cu daan petu umsun Bawipa Zisuh ih pek mi serhsang asi i, asang bik ih din mi asi ti fiangzet in a lang. Hi serh le sang cu san cem lai hlanlo Kohhran sungih tuah peh vivo dingih a pekmi asi.¹

1 Matt.28:19–20; 1Kor 11:26.

2. Hi a thiaghlim mi serhsangpawl cu Bawipa'i fial veikin kawhsuak mi le a tling mitaktak pawl lawgih tuah dingmi asi.²

2. Matt 28:19; 1Kor 4:1.



29. BAPTISMA

1. Baptisma cu Thuthlungthar ih serhsang asi i, Zisuh Krih ih nemhnet mi asi. Mi pakhat baptisma pek sannak cu Krih sungih a sinnak le A thihnak le A thawsalnak ih Krih thon pawlkomawknak hmuu tu asi,¹ cun sualnakpawl ngaidamnak,² baptisma latu cun Krih Zisuh ruangin Pathian hnen ih an pekawknak ti a lang. Cucu nunthar in an nun le an tlanlen theinak dingah asi.³

1. Rom 6:3–5; Kaw 2:12; Gal 3:27.

2 Mark 1:4; Att.22:16. 3 Rom 6:4.

2. Pathian hnen ah sualrimhnak a phuang taktak tupawl cu Krih kan Bawipa ah rinnak le thuawinak an nei i, hi serhsang tuah dingin dikzet in an nung.⁴

4 Mark 16:16; Att 8:36–36; 2:41; 8:12; 18:8.

3. Alengih langnak cu hi serhsang ah tidai hman ding asi, cui ti sungah Pa, le fapa le Thlarau Thiaghlim hnimpil in baptisma pek ding asi.⁵

5 Matt.28:19–20; Att.8:38.

4. Hi serhsang tuah tikah Baptisma la ding cu tidai sung rori ah hnimpilthluh a tul ticu thudik asi.⁶

6 matt 3:16; Zawn 3:23.

30. BAWIPA' ZANRIAH

1. Bawi Pa'i zanriah cu Amah an zuar zaan rori ah Amah Bawipa lala ih a tuah mi asi. Hi mi cu leilung cemtiang ih a kohhran sungih tuah dingmi asi, ziangahtile A thiinhnak akhan Amah rori a pe aw ti hmuhsaknak le kumkhua. in Amah hngilhlonak ding ah asi.¹

Cucu Ama'i thiinhnak ih zumtu zate'n a rahuah mi thilpawl hmuthei dingin Krih tuahmi le nemhngetmi asi, cucu an thlarau lam nun cawmpitling ding le Amah ah an thanlen theinak dingah asi. Cun Amah hnenah tuanvo tampi a nei ih lei a battupawl cu khih le temtawn ih um mipawl thazang pe ding ah asi. Bawipa'i zanriah cu zumtu cun Krih thon a neih mi le midang thon a neih vemi pawlkomawnak ah lungkinnak le thukamnak a si.²

1 1Kor 11:23–26. 2 1Kor 10:16–21.

2. Hi serhsang ahhin Krih cu a Pa'i hnen ah a pe awlo, cun athi mi hrang le a nungdam leipawl hrang khal ah sual ngaidamnak ding ah a pekawk nak khal asi cuang lo. Zanriah cu Krih pekawknak le Kross par ih veikhat telawng mitinkim hrang ih a pekawknak cinken ringring nak dingih tuah mi asi.³ Himi hi Pathian hnen ih thangthat theitawk ih kan thangthat theinak dingih thlaraulam pekawknak a si, cui Kalvari hnaquan

hmuahhmuah cu veikhat te ah a theh. Curuangah senpi hrangih Pope ih raithawinak cu luksuak zet mi le hrilcia mipawl sualnak hrangih a hngetzet mi remawknak a simi Krih ih raithawinak tiangin hliamhma a tuar ter.⁴

3 Heb 9:25–28. 4 1Kor 11:24; matt. 26:26–27.

3. Hi seerhsang ah Bawipa Zisuh Krih in a rawngawl tupawl thlacam dingih lam a hmuh hai, cun thianghlim zet ih hmgangthei dingin mipi lakin a dangte'i sang le sabitti cu a lak ih lungawi thu a sim. Sang an lak ih an phel, cuhnu ah khuat an lak i, pawlkom awtu hmuah hmuah le zanriah hilkhawmnak ih a teltu zate'n veikhat te ah an hmang tlang.⁵

5 1Kor 11:23–26 etc.

4. Mipipawl ih hnonding mipawl cu: sangle sabitti biaknak, sangle sabitti hlirsang ih upatnak, tumtah zetih ceimawinak ih tuah, le saknua dang ihsin humhimawknak ih hmannak tla an si. Hi a thun ih thil hmuahhmuah hi Krih ih tumtah neizet ih a hmuh duh mi le serhsang a sinak pawl a dipdal thluh asi.⁶

6 Matt.26:26–28;15:9;Exo 20:4–5.

5. Serhsang ih hman mi thilpawl hi Krih in hmangding ih a nemhnget zo vek in dik le thiangte'i ret ding asi, ziangahtile Bawipa ih khenbetawknak thon a laicin aw i, hi serhsang hi thlam vek in hmang khalsehla, veihnihkhat ahcun thil hminpawl cun Krih taksa le thisen ai an awh theu.⁷ Sang le sabitti rori in taang khalhai sehla an hmanlan ah ahleice in thianghlim te'n ret ih serh mi an si.⁸

7 1Kor 11:26–28.

6. Rom Kohhran thurin ti ih kawh mi serhsang hman mi thil sabitti le sang cu thleng aw thluh in Krih ih thisen le taksa ngaingai ah an cang, cucu puithiam asilole lamdang ih ti thianhlimnak in a si, cui ruahnak cu thluak le ruahnak ih zummi thil an si, sihmansehla Ca thianghlin vekin asilo.⁹Cuitlun ah, cui ruahnak cun serhsang a tiniam i, thil pakhatkhat aa zetih thupitternak men le milem biak thon a bang aw asi.¹⁰

9 Att. 3:21; Luke 24:6&39. **10** 1Kor.11:23–25.

7. Hi serhsang ih tel le hilkhawm ding ih a tlak mipawl cu langpang ih sabitti le sang in ei nak ah Kri khenbetnak ah laklut le cawn an si i, Athihnak ruangih rahuahmi hmuahmuah an hmu. Himi a taktak ih an tuah tikih Krih ih taksa par ihsin luang mi thisen le a titsa ei in an cawm aw ti siloin, sunglam ih rinnak thilthu sawn asi. Bawipa'i zanriah ahcun thlarau lam in Krih taksa le thisen cu zumtu ih rinnak ah an tel, si nan in taksa thilthu in a silo. Sabitti le sang lawng an mah lenglangnak rori in hmuu asi.¹¹

11 1Kor 10:16;11:23–26.

8. Mithalo le Pathian ngaihsaklo mipawl cu Krih thon nunnuam zet ih pawltlang dingah an tlaklo, curuangah Bawipa'i zanriah hil ding khalah an tlak lo. Serhsang thianghlim ih telding ahcun cuvek dinhmun ih umpawl cu pomtlak an silo, ziangahtile Krih dodal in sual tumzet an tuah ruangah.¹² A taktak cun, tlaklo na cingih Bawipa'i zanriah a hiltupawl cu Bawipa ih thisen le taksa an dodal i, cun an ei le innak cun thuthennak ah a thlen thluh hai.¹³

12 2Kor 6:14-15; **13** 1Kor 11:29; Matt 7:6.



31. THIH HNU IH MINUNG DINHMUN LE MITHIPAWL IH THAWHSALNAK

1. Thihhnu ih minung taksapawl cu leivut ah a kirsal ding i, an toihzam ding,¹ sihmansehla an thlarau thih dah lo le thil thei ringring cun hmakhatte siatthei mai asilo ruangah a petu Pathian hnen ah a kirsaal.² Mifelpawl ih thlarupawl cu an thih tikcu ah thianghlim famkim in a um, cun hmunnuambik ah laklut an si, cutawk ahcun Krih thon an um tlang, cun tleunak le sunlawinak ah Pathian mithmai an hmu ringring, cun famkim zet ih an taksa tlennak ding cu an hngak ringring.³

Mithalopawl ih thlarau cu hell ah thlak thluh an si, cutawk ahcun thimnak hnuai ah vansanglam in an tuar, cuitlunah thuthennak ni ropi zet an hrangah ret asi.⁴ Ca thianghlim cun hi taksa pawl an umnak ding hmunhnih lo cu adang ruat mi ziangkhal a neilo.

1 Gen 3:19;Att. 13:36. **2** Thusim 12:7.

3 Luke 23:43; 2Kor 5:1&6-8; Filip 1:23; Heb 12:23.

4 Jud 5-7; 1Pet 3:19; Luke 16:23-24.

2. Ninetabik ahcun, mithianghlim nungdam lai pawl tla cu an thi lo dingi, an thleng aw thluh ding.⁵ Zumtu a

ihizo pawl cu an thosal ding i, taksa dang silo in annmah an taksa kel rori in an thoding,⁶ ziangtlukin dangcio khal haisehla an thlarau nunnak ahcun catuan in an kom awsal thluh ding.⁷

5 1Kor 15:51-52; 1Thess 4:17.

6 Job 9:26-27. **7** 1Kor 15:42-43.

3. Krih ih huham ruangah, mifellopawl ih taksapawl cu dem umzet in an thosaal ding. Sihmansehla Ama'i thlarau ruangah, Krih cun mifelpawl ih taksapawl cu sunglawi zetin a thoter sal ding, ziangahtile Ama'i sunlawinak taksa vek rori in thuammawi saal an si ding.⁸

8 Att. 24:15; Zawn 5:28-29; Filip 3:21.



32. NETABIK THUTHENNNAK

1. Pathian cun Bawi Krih hmangin felnak thon leilung thuthending in ni a tinh cia,¹ Amah parah cun A pa'n leilung thuthen nakdingah huham le thuneihnak a pek. Hi ni ahcun a tluse mi vancung mipawl lawng thu a thenlo ding,² asinan leipar ih a nung mi hmuahhmuah parah thu a then ding. Krih thuthennak hmai ahcun an lang thluh ding i, an ruahnak parah siseh, an tong mipar ah siseh, an tuahmi par ah siseh, an taksa in an tuah mi vek cekci in a tha le a sia par ah thuthennak an hmu ding.³

1 Att. 17:31; Zawn 5:22&27. **2** IKor 6:3; Jude 6.

3 2Kor 5:10; Thusim 12:14; Matt. 12:26; Rom 14:10-12; Matt 25:32-46.

2. Pathian ih tumtahnak, thuthennak ni a ruat mi cu hril mipawl ih catuan nunnak ih A zangfahnak ih sunlawinak a tuahduh ruangah asi.⁴ Catuan ih hnon tong ding ih A zohkhawl mi-mithaloo le thuawilo pawl cu A felnak ih sunlawinak in thu A then ding.⁵ Cui ni ahcun, mithianghlim pawl cun catuan nunnak ro sunglawi an co ding i, an catuan laksawng a simi Bawipa thon umtlangnak a famkim mi lungawinak le sunlawinak an hmu ding. Asinan Pathian theilo mi le Zisuh Krih ih

THE BAPTIST CONFESSTION OF FAITH

Thuthangtha awilo mi-miṭhalopawl tla cu catuan harnak le hremnak le siatralnak, hmu dingin Amai sunlawinak huham le Bawipa'i umnak ihsin dawisuak thluh an si ding.⁶

4 Rom 9:22-23. **5** Matt. 25:21&34; 2Tim 4:8.

6 Matt. 25:46; Mark 9:48; 2Thess 1:7-10.

3. Khatlam kapah, sual ihsin mi hmuahmuah dungsipter ti mi cu,⁷ ṭongdang cun Pathian ngaihsaktupawl ih vansiatinak lak ihsin a ropi sawn mi thlangannak a pek tinak asi.⁸ Cucu Krih in hmalam ah thuṭhennak ni a umlai ti ih nasazet ih in leemnak asi. Cui thu hrang ahcun minung mahte cio an rinsan awknak kha thingthla verver thei ding ah cui nithila cu a thupte'n a ret ringring. Ziangtik ah Bawipa a ra ding ti a can theih a silo ruangah ralring hngak ṙingring aw.⁹ Curuangah zumtu cun, kumkhua timtuah aw in hitin ti ding ási, Ra aw, Bawipa Zisuh, ra ṭum zang aw!"

